

欽定石渠寶笈三編

欽定石渠寶笈三編

延春閣藏 十七

列朝名人書畫

元盛懋松軒訪道圖 一軸

元盛懋東安卧雪圖 一軸

元盛懋溪山清夏圖 一軸

元盛懋秋林高士圖 一軸

元盛懋冬缸夜讀圖 一軸

元盛懋雪景 一軸

元盛懋畫松溪泛月 一軸

元曹知白十二時報喜圖 一軸

元曹知白畫山水 一軸

元張中太平春色圖 一軸

元張中寫生花鳥 一軸

元陳立善畫梅花 一軸

元陳立善畫梅花 一軸

元陸廣五瑞圖 一軸

元崔彥輔溪山煙靄圖 一軸

元倪瓚苔雪溪山圖 一卷

元張渥臨李龍眠九歌圖 一卷

元鄭禧聚芳亭圖 一卷

元楊維禎書張拭城南詩 一卷

元楊維禎寫生 一軸

元錢惟善江月松風集手稿 一冊

元俞和書陶潛詩 二冊

元王冕上林春早圖 一冊

元王冕畫梅花 一卷

元王冕畫南枝春早 一軸

元王冕墨梅 一軸

元馬琬畫喬岫幽居 一軸

元方從義畫雲林鍾秀 一卷

元方從義畫山水 一軸

元張雨書唐人絕句 一軸

元人上林校獵圖 一卷

元人鳩雀先春圖 一軸

元人三陽開泰圖 一軸

元人三陽開泰圖 一軸

元人吉羊開泰圖 一軸

元人平安春信圖 一軸

元人踏雪尋梅圖 一軸

元人遊騎圖

一軸

元人戲嬰圖

一軸

元人聽琴圖

一軸

元人貨郎圖

一軸

元人貨郎圖

一軸

元人春景貨郎圖

一軸

元人夏景貨郎圖

一軸

元人秋景貨郎圖

一軸

元人冬景貨郎圖

軸

元人時時報喜圖

軸

元人太平有象圖

軸

元人百祥衍慶圖

軸

元人牧夢占豐圖

軸

元人畫春堂琴韻

軸

元人畫夏墅棊聲

軸

元人畫秋庭書壁

軸

元人畫冬室畫禪

一軸

元人畫天中華瑞

一軸

元人畫瑞雪仙禽

一軸

元人畫花下將雛

一軸

元盛懋松軒訪道圖 一軸

本幅絹本。縱一尺七寸六分。橫一尺一寸一分。設色畫蒼松密蔭。掩映庭除。兩高士相顧對語。款盛懋無印記。

玉池楷書

御製詩

喬松三兩株。飽經雨露澤。密蔭鋪鬱蔥。坡陀皴古碧。天濤漾龍鱗。中有高人宅。扶疏繞階庭。欣

來素心客訪道見端倪譚元泯形跡直幹誠可
師論交樂受益

御題盛懋松軒訪道圖臣趙秉冲奉

勅敬書鈐印二臣趙秉冲筆沾恩雨


鑒藏寶璽五璽全寶笈三編

收傳印記高士奇書畫印

元盛懋袁安卧雪圖 一軸

本幅絹本。縱四尺六寸二分。橫二尺六寸。設色畫漫山積雪。蓬戶嚴扃。一人作款關狀。緋衣攬轡行山徑間者。為洛陽令。前後從者三人。俱回顧巖栖深處。款至正二年八月望。武唐盛懋鈐印一子。昭


鑒藏寶璽 五璽 寶笈三編



元盛懋溪山清夏圖 一軸

本幅絹本。縱六尺四寸。橫三尺三寸五分。設色畫山亭水榭。松竹成陰。石几無塵。雲涼露淨。款武唐盛懋製。無印記。

鑒藏寶璽 五璽 寶笈三編



元盛懋秋林高士圖 一軸


本幅絹本。縱四尺二寸一分。橫一尺八寸三分。設色畫。疊嶂叢林。一人蓮冠。緋衣。倚杖坐山石上。款武唐盛懋。鈐印一。子昭。

鑒藏寶璽

五璽

寶笈三編

收傳印記居 半印




元盛懋冬缸夜讀圖 一軸

本幅絹本。縱五尺四寸。橫二尺八寸。設色畫
深山老樹。書幌燈明。一人俯几而讀。款洪武
二年。武唐盛懋作。鈐印一。盛子昭氏。

鑒藏寶璽

五璽

寶笈三編



元盛懋雪景 一軸

本幅絹本。縱四尺七寸五分。橫一尺八寸。淺設色。畫山邨夜雪。款柴門聞犬吠。風雪夜歸人。壬戌秋日。盛懋鈐印二。盛懋子昭。

高宗純皇帝御題行書

破繖孤蓬雪積皚。寒溪興盡棹而迴。家人秉燭相迎處。笑問何遲暮夜來。辛丑仲冬月。御題。鈐寶二。古稀天子之寶。猶日孜孜。

前人題跋

范華原寒山雪色。為續林第一精品。其結構
布置。人罕及之者。魏塘盛子昭先生技兼百
家之長。而自出機杼。迥非庸史所能辦。余與
訂交久矣。故深悉其學力精純。且承見貽大
小幅不下數十幀。此風雪圖。尤見傑出之作。
因書以誌之。曲江居士錢維善。至正廿又四
年五月望日。鈐印一。曲江居士。

軸內分鈐

寶璽乾隆御覽之寶。乾隆鑑賞。


鑒藏寶璽

五璽金

寶笈三編

收傳印記席帽山人

謹案錢惟善字思復自號曲江居士又號心
白道人錢塘人攷見續編



元盛懋畫松溪泛月 一軸

本幅絹本。縱四尺六寸九分。橫二尺二寸五分。設色畫松陰四合。蘆葦滿汀。一人憩亭中。憑眺。一人泛艇夜遊。月色波光。遠山相映。款武塘盛懋子昭製。鈐印一。懋夫原題。月移山影照漁船。船載山行。月在前山。突兀月嬋娟。一曲漁歌山月邊。洞庭湖上晚風生。風攪湖心一葉輕。蘭棹穩。草花新。只釣鱸魚不釣名。

雲東逸史姚綬湯書。鈐印二。滄江虹月。姚公綬氏。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記。墨林項季。印半一印不可辨。

元曹知白十二時報喜圖 一軸

本幅紙本。縱四尺五分。橫一尺六寸五分。水墨畫乾鵲十二。翔集松枝上。款。雲西老人書。篆鈴印一。曹子文。

玉池楷書

御製詩

靈禽集瑤圃。韶律已先知。春盎三千界。喜傳十二時。松煙凝逸韻。仙露發華滋。咸若含生趣。微

祥庶彙熙

御題曹雲西十二時報喜圖。戊辰新正。臣英和奉
敕敬書。鈐印二。臣英和敬書。

鑒藏寶璽

五璽全

寶笈三編

收傳印記賞齋。妻東吳氏祠藏。榮畱大槐。

謹案曹知白字又元號雲西華亭人至元中
為崑山教諭。攷見續編。

元曹知白畫山水一軸

本幅紙本。縱二尺四寸。橫九寸。水墨畫林巒
煙疊。沙磧雲平。自題古木自蕭疎。沙磧流泉
冷幽人期不來。夕陽澹秋影。雲西老人戲筆
鈐印二。曹知白氏雲西。

高宗純皇帝御題行書

老筆蕭疎不藉多。空空茅屋隱煙蘿。衛源憶昔曾
經過。康節重逢安樂窩。乙巳孟夏用錢惟善題句

韻。御筆。鈐寶二。

古稀天子。猶日孜孜。

前人題詠

碧雲消盡好山多。茆屋秋風倚薜蘿。占得林
巒奇絕處。可能容我作吟窩。惟善。鈐印一曲
江居士。

軸內分鈐

寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記
湘管齋張則之



元張中太平春色圖 一軸

本幅紙本。縱三尺八分。橫一尺二寸七分。設色畫瓶中牡丹數朵。款至正辛丑三月。子正作。鈐印一張。子政氏。

御題楷書

泰谷三陽啓。瑤樞斗柄回。春開一歲首。香冠百花魁。蕊趁光風轉。根含新澤培。膽瓶貯佳麗。座右得清陪。丁卯新正。御題。鈐寶二。嘉慶御筆。神

動天隨

鑒藏寶璽

五璽全

寶笈三編

收傳印記。怡老堂珍藏印。李君寶書畫記。日

華雲間王鴻緒鑒定印。

謹案張中。字子正。一字子政。松江人。見圖繪寶鑑。

元張中寫生花鳥 一軸

本幅紙本縱三尺八寸二分橫一尺三寸五分。設色畫夏花九種。一雞咏莎石間。款至正辛卯七月。張中畫。鈐印二。張中之印。張子政氏。原跋此幅藏廬山甫聽雨樓中。暇日出示賞玩。愛其神韻雋永。真名家手筆。故自不同。門山居士紳。鈐印二。張紳之印。雲門山人。

鑒藏寶璽

全五璽

寶笈三編

[illegible]

元陳立善畫梅花一軸

本幅紙本。縱二尺六寸九分。橫一尺一分。墨畫梅花一枝。款至正辛卯人日。黃巖陳立善寫。鈐印一。陳立善印。原題不須檀板共金尊。疏影橫拖水墨痕。最愛月明人靜後。尋詩徙倚向柴門。宣德二年春日。俞山題。鈐印三。梅莊。俞山古太史氏。歲寒作伴倚松筠。無意爭先每占春。雖有姚黃難比擬。一邱一壑類。

高人 莊園卉木雜荆榛。一朵初開覺斬新。
若把吳姬矜玉頰。只嫌施粉太汙真。高尚
由來類巢許。清寒自古比夷齊。不向花王干
富貴。飽餐霜雪卧山谿。水仙弱骨難為弟。
還讓芳蘭好結盟。不學尋常桃李輩。春風一
夜滿江城。嘉靖戊戌王正月。錄探梅舊作四
絕于霖雨堂中。前峯王同祖鈐印。一王同祖
軸內分鈐

高宗純皇帝寶璽乾隆御覽之寶乾隆鑑賞


鑒藏寶璽

五璽

寶笈三編

收傳印記俞氏寶玩

謹案陳立善黃巖人。至元中為慶元路照磨。工墨梅。見程敏政篁墩集。俞山字積之。號梅莊。秀水人。永樂癸卯舉人。官至吏部尚書太子太傅。明史附陳濟傳。王同祖字繩武。長洲人。正德辛巳進士。歷官司業。攷見續編。



元陳立善畫梅花一軸

本幅紙本。縱四尺一寸一分。橫一尺三寸九分。墨畫梅花。襯以竹石。暨山茶水仙款。至正二十五年五月甲子。黃巖陳立善畫。鈐印一。陳立善印。原題。羅浮春信。碧山隈。洛水凌波。絕點埃。寄語東風莫相妒。明年還是我先開。甲辰嘉平月。俞山題。隸鈐印二。俞山巡簪。索笑幾回看。羅襪塵生湘水寒。却羨小春先。

漏洩大庾嶺上玉成團。正統元年丙辰陽月。
張益鈐印五。詔比二十八宿。養庵含英東壁。
張益士謙乙未進士。欲問枝頭春幾許。山
茶仙子自同時。垂簾脈脈香風透。碧玉參差
向小池。至正中。陳照磨工於梅。與會稽王元
章齊名。其筆墨不可多得。因賦。嘉靖十三年
甲辰春日。前峯王同祖鈐印一。王同祖。

軸內分鈐

高宗純皇帝寶璽
乾隆御覽之寶
乾隆鑑賞

鑒藏寶璽

五璽

寶笈三編

收傳印記
俞氏寶玩
寧儉堂印



元陸廣五瑞圖 一軸

本幅紙本。縱四尺三寸五分。橫一尺八寸八分。設色畫磐石旁靈椿一株。壽萱一叢。下蔭芝蘭。襯以朱竹。款陸廣。篆鈐印一。天游原題。彩毫揮就。淡忘憂。報道平安樂。更悠繞砌芝蘭。又生子。大年磐固自春秋。天游作五瑞圖。題此。完庵劉珏鈐印一。完庵。

軸內分鈐

高宗純皇帝寶璽乾隆御覽之寶乾隆鑒賞

鑒藏寶璽

五璽全

寶笈三編

收傳印記文口啓印文氏珍藏圖記

謹案陸廣字季宏號天游生吳人畫做王叔明見畫史會要劉珏字廷美長洲人正統戊午舉人厯官山西按察僉事有完菴集見蘇州府志

元崔彥輔溪山煙靄圖 一軸

本幅紙本。縱二尺二寸。橫一尺二寸二分。水墨畫巖巒繚曲。煙靄空濛。樹石間茅屋數椽。款。至正二年秋七月。崔彥輔。鈐印二。崔彥輔印。雲林生。

高宗純皇帝御題行書。

山靄溪煙暗遠空。田盤今日景真同。設非挂壁交相證。安識筆端有化工。己丑暮春上澣。山中對雨。

因題御筆。

萬峯紫靄烘晴空。彥輔圖張相映同。

真得畫家三昧法。祇論氣韻不論工。庚寅仲春御

題。一溪春水俯澄空。積素千峯照影同。淡靄輕

煙相映帶。是虛是實兩能工。壬辰仲春中澣再疊

前韻御題。一幅原來素紙空。溪煙山靄忽鋪同。

不於妙處觀生動。俗手尋常亦可工。甲午仲春三

疊前韻御題。春雲靄靄幕高空。畫看崔家氣韻

同。設使居然作甘雨。始知妙筆有神工。乙未暮春

四疊前韻御題

一方素紙本來空。幾筆溪山真

者同。頻疊偶如蘇玉局。要當吟以不工工。壬寅暮

春五疊前韻御題

瀑流石峽似行空。松拂煙霄

應答同。却笑錢塘崔彥輔。寫聲未必若斯工。乙巳

暮春六疊前韻御題

白紙因嫌素壁空。崔圖拈

韻七番同。戶中窗外景等度。人力終輸造化工。丁

未暮春御題

太古田盤非鑿空。溪聲山色與之

同。祇餘一疊十全速。知止休誇摘藻工。己酉季春

八疊前韻。御題。溪山色也。靄煙空。空色胥歸幻。
則同。九疊十全當閣筆。再來別韻豈知窮。辛亥季
春。九疊前韻。御題。九疊辛年十韻全。今來別裁
句應鮮。山原萬古溪千派。仍此圖中靄與煙。癸丑
季春月。御題。十韻全當不襲舊。七言成復此吟
新。溪煙山靄呈當面。却笑多哉把筆人。丁巳春。御
題。

玉池

御書雲壑通靈

軸內分鈐

寶璽乾隆幾暇怡情一重得佳趣一重會心不遠德充符
比德朗潤

古稀天子之寶四重猶日孜孜四重八徵耄念一重自彊不
息一重

太上皇帝乾隆御覽之寶八徵耄念之寶乾隆鑑賞
古希天子乾隆御筆一重

太上皇帝之寶。

鑒藏寶璽

五璽全

寶笈三編

收傳印記適齋信公珍賞琴書堂都尉耿信
公書畫之章程邃穆倩

謹案崔彥輔錢塘人號雲林生與王蒙俱吳興趙氏甥隱居賣藥善篆隸詞賦見陳善杭
州志

元倪瓚苔雪溪山圖 一卷

本幅紙本。縱八寸四分。橫二丈三尺四分。水墨畫雲山煙樹。遠水遙邨。行人有策蹇者。搢筇者。肩擔者。或憩水榭。或倚柴門。漁舟往來於溪中。無款印。原題。墨窗宴坐忘百憂。可人一段溪山秋。巉峰峭壁忽當面。行雲流水交凝眸。層城倚天出仙館。陰霾護石藏龍湫。千年老樹硬削鏤。盤根錯節森蛟虬。小橋橫木

度當作行旅。烟波展岸來漁舟。舟人漁子互

出沒。疏罾數罟相沈浮。溪水鏡清山翠稠。溪

光醒眼山銷愁。此中大有最佳處。依稀茅屋

栖林樾。埽門童子應賓客。攜筇野老追朋儔。

避世既匪桃源徒。採芝定有商山流。袖手何

人坐船頭。身無係累心無求。閑籠肯借久羈

鶴。我騎共訪溪山幽。翻思少年倦遠遊。閉門

經史供冥搜。但知天地一大塊。包羅萬象括

九州扶桑東極蓬瀛洲。黃河西出崑崙邱。南
炎瘴海北塞雪。鴻荒禹蹟吾心周。奚止溪山
有萬狀。世幻百變如浮沤。盪胸決眦凌倒景。
正爾浩氣雄難收。平生膏肓在泉石。煙霞痼
疾何能瘳。今見此境三歎息。已覺神往形空
留。山靈何當容席地。著我百尺春風樓。一邱
一壑遂生願。振衣長賦歸來休。登臨便欲恣
吟賞。傲睨萬戶人間侯。摩挲百過晤圖畫。悵

望落日雲悠悠。春風彥華書。昔年曾到水

晶宮。萬狀溪山在眼中。勝地別來經歲久。披

圖轉覺興無窮。琴軒鈴印一。陳璉印章。生

平欲作汗漫遊。溪山佳處長淹留。春風破帽

款段馬。涼月孤笛沙棠舟。笑領丹青呈萬狀。

醉覺宇宙凝雙眸。如今客裏看圖畫。思入故

園驚白頭。建安蘇伯厚。鈴印一。白雲生處

子家太湖南。我家太湖東。同是太湖人。長干

偶相逢。相逢復何道。共說太湖好。太湖跨三
州。氣欲吞三島。靈峯七十二。面面夫容開。煙
波三萬頃。倒捲銀河來。我昔曾放舟。醉歌湖
上秋。長呼鴟夷子。銷我胸中愁。子亦愛遊遨。
全家住清苕。清苕太湖口。幾度縱蘭橈。別來
如夢裏。歲月驚飛矢。花開與花謝。攄付東流
水。對子溪山圖。清苕連太湖。丹青千萬狀。一
覽已無餘。何當凌紫煙。手拍洪崖肩。却乘太

湖月重上茗溪船。青城山人王汝玉。鈴印三
丹山白日。玉堂清趣。王汝玉印。

後幅題詠

我昔曾上崑崙顛。周觀山水窮八埏。吳興遠
在天一角。青山綠水何清妍。錢塘潮生怒蛟
吼。一片雪光照南斗。數聲漁笛幾葉舟。兩岸
人家萬株柳。柳邊一澗通西湖。小橋流水相
縈紆。竹杖芒鞋晴冉冉。寒驢煙雨涼疏疏。東

南。差。我。是。天。目。萬。丈。懸。崖。削。寒。玉。千。態。萬。狀。
何。奇。哉。瑤。草。蒼。松。四。時。綠。飛。泉。一。道。流。其。中。
六。月。飛。雪。生。寒。風。茅。屋。何。人。住。溪。口。瀟。洒。絕。
似。商。山。翁。陸。君。本。是。吳。興。人。風。流。倜。儻。非。常。
倫。平。生。好。畫。入。骨。髓。近。得。此。圖。良。足。珍。我。亦。
性。癖。愛。山。水。展。卷。見。之。心。益。喜。作。詩。題。贈。不。
成。眠。月。照。江。南。夢。魂。裏。西。昌。湯。流。鈴。印。一。守。
拙。軒。展。卷。看。圖。畫。溪。山。無。限。情。長。松。茅。屋。

小。古渡石橋橫。泉石雪中白。煙霞雨後晴。樵
歌與漁唱。風月有餘清。西昌曾與賢。鈐印一。
吟詠性情。萬疊雲山畫裏看。石林茅屋隔
溪灣。人間風物有如此。却憶漁樵共往還。文
江劉子欽。鈐印一。廬陵區鄉世家。衡岳雲
開五老秋。洞庭彭蠡接天流。三年京國違登
覽。醉裏看圖憶舊遊。廬陵劉貫唯。鈐印二。唯
道齋。忠節流芳。溪上青山山下溪。圖中烟

景半淒迷。近來海內為長句。短韻蕭條不敢
題。歐鄉曾啓。鈴印三。蓮竹軒。青蘧白鷺。玉堂
金馬。羣山碧重重。流水山外遶。風景自四
時。飛潛適魚鳥。幽人愜素心。清賞日未了。傾
崖飛瀑寒。斷岸危橋小。茅亭倚雲端。蘭舟艤
江表。跂余一望遙。長林暮天杳。槎溪周彥奇。
鈴印三。愛蓮軒。吉水城南周氏下。印不可辨。
江南多山水。清勝無與敵。萬朶金芙蓉。橫

空落秀色。下有青溪流。渺渺不可極。洞波融
日光。倒影涵天碧。竹樹藹烟霧。綺錯翠如織。
噴崖虹垂泉。卧澗虎蹲石。鳴琴書屋秋。垂釣
漁舟夕。豈無渭濱叟。亦有商巖客。林密雲益
深。橋危路逾窄。蹇驢者誰子。翩翩竟何適。驤
也善丹青。好手誰能匹。筆底生萬狀。變化妙
難測。我本愛林壑。頗有煙霞癖。宦游三十載。
俯仰慨今昔。懷哉此中趣。老矣空陳跡。四明

陳光世鈐印三四明山人敬宗翰林侍講之
章天機巧奪寸毫輕烏玉淋漓變化精遠
近山川濃淡景高低樓閣短長程野橋茅店
雲煙霧樵徑漁邨草樹繁人物更欣真逼妙
披圖一覽俗塵清金華貝宗魯鈐印三□源
琴書清暇芸窗戲墨

鑒藏寶璽

五璽


寶笈二編

收傳印記安國梁印
九重安氏家藏國梁印
康

半餘印不可辨。

謹案倪驥字子舉吳興人絕仕宦志登山吟
水忽有所得則寫之於琴琴不足又寫之於
畫見楊維禎東坡子集序華未著姓氏疑即
林升華黃巖人見四朝詩姓名攷陳璉字建
器東莞人有琴軒集蘇伯厚名埤以字行建
安人王汝玉名璉以字行長洲人曾繁字子
啟吉安永豐人永樂甲申進士第一俱攷見
續編湯流曾與賢皆江西泰和人劉子欽賜
名敬江西吉水人皆曾繁榜進士歷官庶吉
士劉貫唯江西安福人建文己卯舉人周彥
奇名正以字行吉水人洪武時舉明經歷官
大理寺少卿以上五人俱見吉安府志陳光
世名敬宗慈谿人亦甲申進士明史有傳貝
宗魯名泰金華人永樂乙酉舉人歷官國子

祭酒。見金華府志。



元張渥臨李龍眠九歌圖 一卷

本幅紙本。縱九寸一分。橫一丈六尺六寸四分。為圖十一。白描。一畫屈原。深衣練裳。容色憔悴。前篆書題楚屈原像。後篆書楚辭漁父。屈原既放。遊於江潭。行吟澤畔。顏色憔悴。形容枯槁。漁父見而問之曰。子非三閭大夫歟。何故至於斯。屈原曰。舉世皆濁。我獨醒。關句有應。作舉世皆濁。我獨醒。是以見放。漁父曰。聖人清。衆人皆醉。我獨醒。是以見放。漁父曰。聖人

不凝滯於物。而能與世推移。世人皆濁。何不
泥其泥。而揚其波。衆人皆醉。何不鋪其糟。而
歠其醕。何故深思高舉。自令放為。屈原曰。吾
聞之。新沐者必彈冠。新浴者必振衣。安能以
身之察察。受物之汶汶者乎。寧赴湘流。葬於
江魚之腹中。安能以皓皓之白。而蒙世俗之
塵埃乎。漁父莞爾而笑。鼓枻而去。乃歌曰。滄
浪之水清兮。可以濯我纓。滄浪之水濁兮。可

以濯我足。遂去。不復與言。鈴印二。孟思。聊逍
搖兮容與。二。畫東皇太一。高冠長裾。左撫髯。
右秉簡。玉女執扇侍側。風鬟霧鬢。羽衣褊褌。
前篆書題九歌圖。東皇太一。後隸書九歌東
皇太一篇。文見張敦禮九歌圖卷內。後各篇同。鈴印一。孟思。三。
畫雲中君冠服如太一。拱手執珪。一人執旂。
豹褱而龍首。前篆書題雲中君。後隸書九歌
雲中君篇。鈴印同前。四。畫湘君。雲裾霞裳。執

蘭枝立湘水間。女侍彈雙鬟。持旄意態暇逸。
前篆書題湘君。後隸書九歌湘君篇。鈐印一。
聊消搖兮容與。吾畫湘夫人。左執羽扇。右擷
佩環。銖衣淩風。亭亭波際。前篆書題湘夫人。
後隸書九歌湘夫人篇。鈐印同前。亦畫大司
命。顰眉修髯。冠巾綦屨。雲生於足。杖過於肩。
前篆書題大司命。後隸書九歌大司命篇。鈐
印一。孟思。七。畫少司命。冠服甚偉。左執軸。右

執筆。一童捧劍隨後。前篆書題少司命。後隸
書九歌少司命篇。鈐印同前。公畫東君。手劍
瞪視。鬚髯怒張。前篆書題東君。後隸書九歌
東君篇。鈐印同前。九畫河伯。駕龜而行。驚浪
飛雪。前篆書題河伯。後隸書九歌河伯篇。鈐
印同前。十畫山鬼。椎髻袒裼。被女蘿。執芝草。
跨元豹於林木間出。從以文狸。前篆書題山
鬼。後隸書九歌山鬼篇。鈐印同前。十一畫國

陽。林薄中介士六人。各執兵。赳赳紛紛。作赴敵狀。前篆書題國陽。後隸書九歌國陽篇。附禮魂篇。隸書無圖。畫款。淮南張渥臨。鈴印二。張渥叔厚。游心藝圃。書款。至正六年歲次丙戌。冬十月。淮南張渥叔厚臨。李龍暝九歌圖。為言思齊作。吳叡孟思以隸古書其詞于左。鈴印二。吳叡私印。吳孟思章。原題。張叔厚畫法。吳孟思八分。俱有古人風流。今又何可得哉。

壬子六月廿九日。觀於思齋西齋。倪瓚無印。

卷內鈐

高宗純皇帝寶璽。乾隆御覽之寶。

鑒藏寶璽

五璽寶笈三編

收傳印記。朝鮮人安岐之印。蕉林書屋。言世
賢思齊。自省齋印。思古之學。蕉林居士。治
溪漁隱。安定。一。河北棠邨。一。卧雪。棠邨。一。秋
碧。子孫永保。蕉林梁氏書畫之印。蒼巖子。觀

其大畧思原堂麓邨安儀周家珍藏

謹案孫承澤庚子銷夏記龍眠九歌圖載在
宣和畫譜又元人張叔厚曾臨此圖吳益思
以小篆書其文藏江南人家當即此卷渥字
叔厚淮南人自號貞期生考見續編

元鄭禧聚芳亭圖

一卷

本幅絹本。縱一尺一分。橫一尺七寸五分。設色畫山泉樹石。有亭翼然。款至正癸巳。平江鄭禧為介甫作。無印。

後幅題跋

聚芳亭者。晟溪介甫提舉游息之所也。其扁則九皋學士之所書也。其他名士吟詠已成。鉅軸。其芳之所以聚。與亭之所以名。亦畧盡。

之。顧余蕪陋。何足以道萬一。然觀其亭之大。僅容數客。其花木不過數品。頗有閑雅幽深之趣。似與騷壇麗製。若不相似者。及登亭而望。則翠弁諸毗。我其西。何道諸峯。環其西南。洞庭三十六峯。迤其北東。其遠則參差煙樹。若圖若畫。其近則掩映幽花。如錦如繡。凝眸而視。則紛紅駭綠。自獻於几席。屏息而坐。則生香異馥。自呈於鼻觀。曠而夷。窅而深。一舉

而兼有之信乎斯亭之能聚芳而衆芳之聚
斯亭也大抵昔人之作亭選勝必因其自然
其他栽花種柳出於人為者不與也而況介
甫年高而德劬富而好禮棣萼聯輝蘭桂並
秀風朝月夕相聚於此亭之上其聚芳不翅
草木之芳而已也若其騷人墨客來游來歌
含英咀華繪辭繡句聚草木之芳於筆端之
下播之遠而貽之久使夫人思登此亭而不

可得。此又名亭之餘意。因書以序於其端云。
至正乙未九月日。進士都省授紹興路儒學
正亦山陳遇序。鈴印二。陳遇之印。時中。敬
題聚芳亭。羨此幽亭好。天然萃衆芳。紅光春
映戶。翠色曉分窗。香襲簾櫳馥。陰過几席涼。
其中人自樂。日日醉壺觴。苔溪趙順仁拜。無
印。聚芳亭歌。高人有亭名聚芳。巋然結構
森畫梁。闌干曲曲護階小。疊瓦吐出青鴛鴦。

嬌紅膩白俱拔萃。賸繞茲亭一相會。不許韶
光四散濃。舉目繁華於此最。黃蜂飛來蝴蝶
舞。為此羣芳鶯亦語。美人紅袖金縷衣。笑入
東風勸綠醕。願言四季長是春。聚芳亭上醉
閒身。人生有樂不肯樂。何用局東驅紅塵。邇
來此亭樂如此。仰面青天一張紙。安得溪藤
如此寬。興寫長歌歌不已。吳興陳明德頓首。
無印。惟昔豪雋士。曠達超常倫。遠彼簪組

累樂與漁樵親。閔子足尚友。志道無緇磷。讀

書解探賸。霧豹文彬彬。會心遂有得。枕漱臨

芳津。水木湛清華。雲根石嶙峋。嘉花雜異卉。

秀色隨時新。攬勝采芳潔。一洗胸中塵。澹無

聲色干。矯若食霞人。走也厭城市。古道荒荆

榛。行當中柴車。接歡願卜隣。振衣風塵表。濯

足烟水濱。浩歌白雲謡。醉我壺中春。峨眉康

違。匡拜手。無印。鑿園叢嘉植。幽亭景趣真。

樹陰清枕簟。花氣馥衣巾。撫桂懷招隱。滋蘭
願卜鄰。徜徉多樂事。岸幘笑紅塵。至正戊子
八月十三日。吳興沈頊。頊首書於桎雪齋。謹
為聚芳主人賦。無印。其亭曰聚芳。非為花
木榮。所期子孫盛。千載存斯名。龜谿沈口。字梵
不可頊首。無印。苦水分流去。溪山滿目春。
簷楹隨勝立。花木為誰新。展几幽懷適。開尊
樂事頻。浩歌天地濶。應笑宦游人。郡人倪駿。

鈴印二。倪駿。倪子遠氏。山遶亭臺水滿池。
花開花落自知時。荼蘼含笑笑何事。笑與主
人知。不知。無款印。昨日買花亭下栽。今朝
移竹近亭來。眼前正喜羣芳聚。贏得深杯與
淺杯。古汴趙桐生。鈴印二。伯易。松石。壬子
良月暇日。訪彥舉內史。禮畢。出示介甫文翁
聚芳亭長卷。索予留題。聊寫拙語。以塞一時
命焉。聚芳亭上倚欄杆。收拾春光箇裏安。錦

樣何須西蜀鳬華模。猶勝洛陽看簾通細色。
千般媚。風觸柔香百和寒。三月五陵公子會。
幾番留醉宿金鞍。疇隱道人妙湛拜。無印。

敬題介翁叔祖聚芳亭詩。築亭後園集春光。
萬卉相鮮錦繡場。麗色團團明几席。香風拂
拂引壺觴。閒時委順琴書樂。醉裏工夫日月
長。衆好閔公多善慶。為言斯地永流芳。族姪
孫黃鉉拜。無印。題聚芳亭園亭景物信奇。

哉。異卉名葩。滿意栽。羨子高懷。能賞勝。直教
無日不花開。亭築名園。花繞亭。紅紅白白。四
時春。舟經晟舍。口揭維纜。逕造何須問。主人
吳興趙肅。鈴印二。趙彥恭印。墨妙。幽亭新
結倚林塘。勝日攜壺攬衆芳。金碧相鮮。山數
點。青黃雜揉。樹千章。花搖銀燭。胭脂落人語。
雕闌錦繡香。節士可知深種德。映階蘭玉已
成行。

聞賁仲叔性資清抗世稱節士

華亭衛毅再拜。無印。

碧瓦麗清晨。朱甍照好春。闌干終日倚。花木
四時新。坐近霏霏霧。歌翻簌簌塵。更看池上
月。波影漾金鱗。長城丁志仁。無印。聚芳亭

構。晟溪上。疊石開池。春滿園。藹藹芝蘭。安石

宅。總總桃李。狄公門。日蒸花氣。盈歌袖。風引

蕖香入酒尊。眼底四時生意足。浩歌天地樂

無垠。

天地二字原點去。下注勝賞二字。

郡人朱行義。鈴印一。

吳興朱行義達道印章。小苑亭初構。羣芳

暖正繁。碧窗花霧曉。朱箔蕙風暄。啼鳥迎歌
扇。游蜂近酒尊。更須添桂子。移致月中根。亦
山陳恂。鈴印一。陳叔謙。佳木繁陰遶四圍。
中藏亭館藕花池。細排石子通三徑。巧葺屏
花樂四時。客至不妨同宴賞。酒酣隨分且吟
詩。但教明月清風在。桂馥蘭芳發舊枝。林屋
山人和齋趙道汝稽首。無印。處士園亭好。
幽芳詎有涯。碧生池上草。紅映樹間花。攜客

開桑落。松林采蕨芽。四時多雅趣。塵事隔烟霞。
青邱隱者趙守真稽首。無印。春日尋芳
偶獨來。亭前數樹玉欄開。一池流水照瑤席。
幾點閒花綴綠苔。臨園擷芳隨杞菊。登亭宴
景列樽罍。聞君有意存方寸。更把黃柑滿地
裁。吳江報恩平宗道稽首書。無印。小橋曲
澗遶亭臺。佳木喬松取次栽。雲護石壇春晝
永。碧桃花落點蒼苔。平湖散逸錢永壽拜書。

無印。

少保湖州閔公朝瑛七世祖介甫提舉聚芳亭卷間以視余。介甫蓋其祖字。提舉則鄉俗所稱。如待詔將仕之類耳。序一通乃元至正間紹興路學正陳遇所著。稱亭扁為九皋學士所書。而不舉其姓字。亦已逸去矣。詩若干首。皆東南人士。而緇黃之徒亦與焉。詩不必工。其字畫往往得松雪餘意。有趙桐生趙肅者。尤為近似。意者或其族人。有陳恂。

者亦號亦山。則學正之族無疑也。又有平湖
錢永壽。平湖本漢邑。後隸海鹽。本朝宣德間。
始析為縣。隸嘉興府。嘉興固湖州鄰郡。平湖
或其鄉名。昔已有之。亦未可知也。湖經元亂。
以張士誠為之驅除。納之盛世。得不轉徙。故
家文獻猶有存者。少保以科甲起家。位登三
事。文學治行。為累朝耆舊。亢宗振業。於前有
光。而其先世之清風雅尚。託之冠裳鉉槩之

餘者。吾能徵之矣。夫所謂聚芳者。名花異卉。蕩為浮埃。不足深惜。而詩書圖史。遺芬騰馥。在其子孫者。其來未艾。謂非少保公之賢而致然哉。公與余同舉天順甲申進士。累官太子太保。刑部尚書。少保則致仕時加命也。余既為補書亭扁於卷首。因復識其後如此云。正德二年閏正月十九日。光祿大夫柱國少師兼太子太師。吏部尚書。華蓋殿大學士。知

制誥同知經筵事。國史總裁。長沙李東陽識。
鈴印二賓之西涯。吳興山水號清遠。其在
唐宋時。以園亭之勝埒宛洛。而自余游吳興。
求其跡而不可得。蓋內郭崇而闌闌。外郭夷
而桑麻之區。其俗之朴茂纖嗇固然。余嘗戲
謂山可濳。湖可陵。則亦治而田舍之矣。間以
故典故所謂亭館。以披玩卉木者。唐開成中。
楊刺史漢公。為園於白蘋洲。而亭之曰集芳。

見白少傅樂天記。宋牟端明子才。為園於郡
官。而亭之曰芳菲。見周弁陽公謹雜識。至元
時。閔提舉介甫。為園於近郊。而亭之曰聚芳。
見陳進士遇記。三亭大抵命意相埒。其故址
隨後先廢。而獨介甫能合一時之知詞翰者。
為之記。若詩。其七世孫少保莊懿公。又能求
故李文正公為之顏其端。而志其殿。以謀不
朽。亦可謂能世業也已。莊懿從子宗伯公屢

起為郡。冠帶著姓。今其居雖少徙。而喬木鼎
舍。固照映菰苕間。諸孫一鶴輩。又擬余片言
繼其後。嗚呼。天下之至不易久存者人耳。其
次則亭館卉木耳。然余嚮故欲求亭館卉木
之跡於其墟而不可得。得人之片言而若新。
何也。毋乃所恃以久存者又人乎。其亦可慨
而思矣。隆慶三年己巳。吳郡王世貞書於清
茗館。距文正跋蓋一甲子之又二載也。鈐印

二。王元美印。天弢居士。園池之勝。不在花
石臺榭。惟其人而已。吳興山水。自昔以為勝
景。而園圃之勝。亦莫有過者。今皆為荒煙野
草之區。獨閔氏聚芳亭。得諸名人為之題詠。
而閔氏又能世之。良可愛也。聲甫持來南雍。
相視漫題而歸之。時隆慶庚午冬十月。三橋
文彭記。鈐印二。文彭之印。文壽承氏。吳興
閔閔世家。以晟溪閔氏為赤幟。閔氏今日之

佳子弟。以聲父。靜父。二昆季。為白眉。聲父間
過余山中。出一卷相眎。乃其上世介甫提舉
結亭游息之所。扁曰聚芳。一時名流墨卿。從
而詠歌之。以紀其勝。迨先莊懿公立朝。復求
李文正公。為之篆跋。以永其傳。傳及聲父。則
又加裝褙。而什襲之。不啻若無卹之簡。魏氏
之笏。以慎重其守。蓋自元至正迄今。歷二百
三十餘年。可謂久矣。是卷也。一以見閔氏世

德淵源之遠。二以見吾郡當時文物之盛。三以見聲父昆季之賢。為能保有其故物。而非徒以紈綺為尚者比也。信足嘉已。欣覽之餘。輒口占數言。令兒札附簡末。然衰颯自是老人語。觀者得無重續貂之誚乎。皇明隆慶歲在壬申仲春六日。鄞南九十一翁棟塘陳良謨題。鈐印二。天目山人。正德十二年進士。元提舉閔介甫先生多隱德。家於吾郡之晟。

舍。嘗藝花於其陽。而顏其亭曰聚芳。一時諸
從提舉公遊者。競為文為詩以志其勝。而提
舉公之七世孫。明莊懿公。既致尚書政歸。時
聞其次公子善賞鑑。所藏蓄名筆當不乏。顧
莊懿公皆不之重。乃集其聚芳亭之詩。若文
成卷後。託長沙李文正公為籀書補其額。稍
稍考其爵里名姓於後。用意良厚也。蓋莊懿
公非不取重乎詞翰。而不必在重乎詞翰。重

其為提舉公所遊。將使後人讀其言。識其姓名。如其人存也。唯不必以詞翰重。斯知所重矣。其為提舉公之後。而祖莊懿公意者。昔在聲父。今在竑弢。是不徒得楚弓而已。昔柳柳州。僅志父執名姓。後世誼之。矧乃存其上世之交。於異代。其誼不足多耶。提舉公者。為余大母閔太君之九世祖。而竑弢之大母吳太君。則余姑也。故余於閔氏。樂聞其誼云。吳夢

暘敬題鈐印三。吳夢暘印。允兆射堂。

引首

聚芳亭。篆鈐印一。李東陽印。

卷內鈐

高宗純皇帝寶璽。乾隆御覽之寶。

鑒藏寶璽。

五璽

寶笈三編。

收傳印記。心賞。蕉林書屋。蒼巖子。梁清標玉立氏印章。蒼巖子。蕉林鑒定。治溪漁隱。河北。

棠邨二重子孫世保。王立氏。煇碧二重蒼巖五重觀
其大畧。蕉林收藏。思原堂。麓邨。安儀周家珍
藏。安氏儀周書畫之章。

謹案鄭禧字熙之。吳郡人。山水學董源。墨竹
禽鳥全法趙文敏。見畫史。會要。閔介甫名天
福。元時隱士。閔珪其七世孫。字朝瑛。號獨山。
天順甲申進士。歷官少保。刑部尚書。贈太保。
謚莊懿。明史有傳。趙肅。五類姪孫。孟頫之孫。
政己見前。子桐生。温州路宗梅書院山長。春
中列桐生詩於肅之前。當由紫池錯悞。李東
陽謂桐生肅或孟頫族人。尚未詳考。其他題
咏者。大半皆介甫同郡人。如潘長明寺比邱
尼。管道昇嘗為馬園妙湛行書題其上。見珩

瑚網黃鉉。本閩人。冒吳江黃姓。故稱族姪陳
良謨。字中夫。號棟塘。安吉人。正德丁丑進士。
官至貴州布政使。參政。見湖州府志。吳夢陽
字允兆。歸安人。致見續編。踐中所稱宗伯公
名如霖。號午堂。嘉靖壬辰進士。歷官南京禮
部尚書。一鶴。字聲甫。選貢。官永定知縣。

元楊維禎書張栻城南詩一卷

本幅紙本縱九寸八分。橫六尺七寸四分。行
草書。原原錫潭水。匯此南城陰。岸花有開落。
水蘆無淺深。納湖團團凌風桂。宛在水之
東。月色穿林影。却下碧波中。東渚四序有
佳趣。今古蓋共茲。橋邊獨微吟。回首忘所之。
詠歸橋。窗低蘆葦秋。便有江湖思。久矣勸
垂綸。遊魚不須避。船齋長哦伐木篇。竚立

以望子。日暮飛鳥歸。門前長春水。麗澤藝
蘭北。礪側礪。曲風紆餘。願言植根固。芬芳長
慰予。蘭澗。疊石小崢嶸。修篁高下生。地偏
人跡罕。古井輶轡鳴。山齋。高樓出林杪。中
有千載書。昔人不可見。倚檻竟何如。書樓
開軒僅尋丈。水行亦蕭疎。客來須起敬。題榜
了翁書。蒙軒。流泉自清瀉。觸石短長鳴。窮
年竹根底。和我讀書聲。石瀨。雲生山氣佳。

雲卷山色靜。隱几亦何心。此意相與永。卷雲
亭。前年種垂柳。已復如許長。長條莫攀折。
留待映滄浪。柳堤危欄明倒影。面面湧金
波。何處無佳月。惟應此地多。月榭夫容豈
不好。濯濯清漣漪。采之不盈把。惆悵暮忘饑。
濯清亭。繫舟西岸邊。幅巾自來去。島嶼花
木深。蟬鳴不知處。西嶼幽谷竹成陰。緣流
著石清。不妨風月夕。來此聽琮琤。琮琤谷。

亭亭堤上梅。歷歷波間影。歲晚憶夫君。寂寞
烟渚靜。梅堤。風吹渡頭雨。撼撼蓬上聲。忻
然會心處。端復與誰評。聽雨舫。散策下亭
阿。水清魚可數。却上采菱舟。乘風過南浦。采
菱舟。湘水接洞庭。秋山見遙碧。南阜時一
登。搔首意無數。南阜。右張宣公城南雜咏
廿首。子朱子嘗所屬和者也。南沙虞子賢氏
受朱子子字旁添詩翰於其眷棣錢廣。而宣公真

蹟逸矣。余來婁。賢介其友王師道持卷來徵
余言。余適於宣公集中得其元唱。賢且躬至
余邸次。請余追和未及。先為補書宣公詩。時
至正壬寅冬十二月。東維叟楊楨謹再拜書。
余既寫詩已。賢復索余評兩前哲詩。朱子
之辭不敢評。不意張荊州為乾道道學君子。
而矢口小章。亦有古風人思緻。應作致如岸花
有開落。水流無淺深。日暮飛鳥歸。門前長春

水。又如古井。輓轡鳴。雖開元詩人不能到。至

卷雲一章。惟許晉處士作之。詞人不敢公應作

念也。楨贅評。鈴印二。廉夫。會稽楊維禎印。謹案

楊維禎。見明史。又考陶宗儀輟耕錄。作楊維禎。蓋其名兩寫。此款印所以異字也。

後幅題跋

題沈氏所藏文公真蹟卷。張宣公城南雜詠

廿首。考亭朱子為和之。楊鍊厓評其詩。謂宣

公有古風人思緻。應作於考亭則惟曰文公

之辭不敢評。其信然耶。抑別有所指。不欲盡發之耶。昔之論詩者。曰詩有別材。非關書也。詩有別趣。非關理也。又曰如羚羊挂角。無迹可尋。夫詩必如是。然後可以言妙。近代之詩。遠宗唐。近法宋。非唐非宋。名曰俗作。後生溺於見聞。不可告語。安得鑲崖生並世。吾且叩之。其亦有以復我耶。鑲崖補書宣公詩。與文公真蹟併藏沈氏。都憲公書來。俾予題。予既

未及見。因附論鍊崖之後如此云。宏治丁巳夏四月九日。白沙陳獻章書於碧玉樓。無印。晦菴先生以理學為世大儒。至其吟詠篇章。超超元著。絕不類宋人口吻。大道不器。固非虛語。在先生視詞翰為緒餘。而在後人得之。則不啻拱壁矣。是卷先生五世孫光以遺郡守干文傳。文傳以遺錢伯廣。伯廣遺虞子賢。復丐楊鐵崖先生為補書。張宣公原作。筆

法古勁真足配食紫陽此卷益重連錢

此字衍

城十五矣子賢沒後卷歸司空沈時暘至嘉靖乙丑為閩林君元立所得其後展轉入淮陽丁鴻臚世濬吾友馬季聲以厚直從丁購得之萬厯丙午秋余自留都歸季聲出以為贈蓋在吳二

此字旁添

百年而入閩亦且四十餘

載此神物也予雖幸得之然終不能保其不飛去耳丁未夏命奚奴持至白門託爰生質

甫裝潢而為紀其顛末若此。庶後之人有所
考云。晉安謝肇淛。鈐印三。謝肇淛印。謝在杭
氏。小艸叁印。考亭夫子恒兄事南軒先生。
南軒構城南書院於潭州。嘗賦二十詠。考亭
為之跋云。久聞敬夫城南景物之勝。常恨未
得往游其間。今讀此詩。便覺風篁水月。去人
不遠。及乾道三年丁亥八月。始訪南軒於潭
州。留長沙者閱月。遍游城南諸勝。道中所得。

詩二百餘首。名東歸亂稿。則二十詠。政此時作也。南軒真蹟不復見。楊廉夫為補書之。二公倡和。喁于。追踪風雅。似不專以心性相砥礪也。數百年間。卷易幾家。而歸在杭。可謂得其所主矣。考文公集中。涼漲平湖水。作綠漲。朱闌跨水橋。作小橋。瀨彼澗中石。作漱彼。又舞雩千載事。作千載意。千里夢相尋。作夢難尋。前詰詞翰。不敢措語。僭為稽其年歲。考其

異同。以質在杭焉。萬厯丁未孟秋。晉安徐慤敬書。鈐印三。徐惟起印。徐興公氏。風雅堂印。

前隔水

楊廉夫書張南軒先生城南詩。孫承澤題。鈐印二。城南書舍。願學未能。

後隔水

元晦先生與南軒先生城南倡和詩二十首。元晦先生手蹟傳。而南軒不存。楊鐵崖續書。

之舊合為一卷。壬子七月重裝。乃分而為二。

藏城南書舍中。鈐印二。孫承澤印。城南書舍。

鑒藏寶璽

五璽

寶笈三編

收傳印記。太原顧菴王氏拙修堂收藏圖書。

王揆私印。西田。北平孫氏。婁江王藻儒氏真。

賞。

謹案是蹟舊與朱子自書詩合裝。陳謝徐三家跋可證。孫跋云重裝分為二。攷承澤庚子銷夏記。朱子城南二十詠墨蹟。楊廉夫錄敬夫原詩於其後。今卷無朱子詩。蓋即墨蹟之

後半幅。為承澤劉分重裝者也。陳獻章字公甫。新會人。正統丁卯舉人。學者稱白沙先生。明史有傳。謝肇淛字在杭。長樂人。萬厯壬辰進士。歷官廣西左布政使。徐勣字惟起。又字興公。閩縣人。博學工文。善草隸。並見明詩綜小傳。

元楊維禎寫生 一軸


本幅紙本。縱四尺二寸。橫一尺。墨畫一鷄鳴桂樹下。款鐵遂鈴印一鈐笛。

鑒藏寶璽

五璽

寶笈三編

收傳印記。篠田珍賞。清河書畫舫。



元錢惟善江月松風集手稿 一冊

本幅紙本。摺裝四十一幅。江月松風集十二卷。行楷書。

卷一四幅。皆縱八寸四分。一橫一尺三寸七分。二橫一尺三寸五分。三橫一尺三寸六分。四橫一尺二寸三分。首題江月松風集卷之一。錢唐錢惟善思復鈐印一。錢惟善印。詩不錄。

欽定四庫全書集部。據金侃鈔本錄入。侃據曹溶所
謹案是集見

藏錢惟善手稿。即是冊也。抄本間有舛誤。今以手稿校之。如懷李坦之。白駒在雲谷。雲手稿作空。陪吳叔勝諸君吳山小飲。客有期不至者作詩貽之。分得人字限十韻。勝作異。口嵐鬱孤翠。手稿亦缺首字。息景在茂樹。在作生。松聲樓為行可仕上人賦。根蟠茯苓口。手稿亦缺末字。山村輓詞。青山雪滿顛。山作移。送沈敬叔之建德次王性存韻。贈行無好句。句作語。靈壁手印篇。堤雲欲補中原月。堤作提。王氏節婦詩。有序作并序。投濬江而死。濬作作。嶧。迄今血書宛然。書作詩。昔聞江南賈尚書。江南作襄陽。八月十五夜風雨後見月有懷。嫦娥偷藥常少年。常作長。登五雲山。漁村湖上月初圓。手稿詩末注初作孤。永昌王傳長。文杜伯誠還西涼索賦。時伯誠以王命收書。文手稿作史。黼黻文章禮樂成。文章作殊。

方。送邱以敬淮海山長。龍飛得被聖恩榮。得
作特。雪盡江口鐵甕城。缺字手稿作城。亦誤。
題杜甫麻鞋見天子圖。中原百戰洗兵甲。原
作興。久旱聞丞相禱雨上竺喜而賦詩。海霞
炎日火流金。炎作夫。山澤那無作霖雨。兩作
意。雲霓未得憫農心。得作答。奉和左轄吳公
禱雨天目山有感。廊廟憂深畎畝間。手稿作
廟廊深憂畎畝間。廟廊誤。次韻答仲臣梁君
臣作仁。無才我乏瓊瑤報。作無才乏我瓊瑤
報。喜得家報。報作信。題高彦敬竹石。序云命
寫竹。寫作畫。四月十九日與索木魯子昇登
雷峰塔。索木魯子昇作字。索木魯子昇。

卷二。三幅。皆縱八寸四分。一橫一尺四寸六
分。二橫一尺二寸七分。三橫九寸。首題江月

松風集卷之二

謹案鈔本送趙季文侍嚴君心遠公官浙東
帥府。官手稿作官。早發葑門得風直抵阜林
泊。帆迎野色樹移城。城作程。寄題邢氏清寧
樓。唐微天師題扁。唐作廣。賓燕仍招古藤客
藤作滕。送故朱雋卿安厝定山斗門。漫憶蘭
亭寄永和。寄作記。送浙江憲祿王庭訓遷江
西。浙江作浙西。題兩童牧二牛圖。二豎真若
人。豎手稿誤作堅。解衣盤礴羸。羸作羸。杏花
絳烟輕潤香鬢裏。裏作裏。紅雪乾圓粉淚銍
圓作團。送月彥明之台錄事司宣差手稿題
下注彥明右榜進士六字。送陳子敬王子仁
送作懷。書金字經二首。丞相旌旄映使居。居
作車。儼然似會靈山上。上作日。山居有懷。夜
雨欲添漁捕浪。捕作浦。相期杖履過桃關。履

作履。寄題野航亭為洛水陳景文作。靜觀塵
水日茫茫。水作海。

卷三四幅。皆縱八寸四分。一。二。三。橫俱一尺
三寸七分。四。橫一尺四寸九分。首題江月松

風集卷之三

謹業鈔本。關山月。高卧玉關外。卧手稿作曉
折楊柳。客醉蹋口聲。手稿亦脫一字。相淚竹
覺。翠幃塵滴不乾雲。幃作帷。金銅雙腰裏歌。
朱斑。鑲滋筆生苔。續作鋪。筆作華。哀我弔古
伊孰傳。傳作鑄。百戰功殉龍種。功字下有成
字。詩末有君不見三字。當加於首句上。峴山
分題送錢德謙之湖州學錄。山在州南五里。
唐李適之為別駕。嘗登此。有酒樽在焉。東坡

守吳興日。未嘗登之。有詩云。吳興勝襄陽。以
吳興襄陽同有峴山故也。未嘗登之。句未字
行。兩地雖為殊。為作云。煩口弔陳迹。缺字係
君字。長歌傳危酒。傳作傳。蚤起披衣口危坐。
缺字係舞字。保叔塏。江樹晚逾青。晚作晚。酸
齋學士輓詩。手攜錦囊入蘭蕙。入作拾。江心
寺分韻得風字。送陳輔賢之溫州。教授。手稿
無授字。斷流涵金碧。流作留。雙塔卧彩虹。手
稿脱彩字。齋鼓得寒沙。得作答。客星渺孤蓬。
渺作眇。蓬作蓮。題華山圖。遠游約我來。風氣
氣作去。謝公墩分題。送蔡恒之赴建康。江寧
諭。蕭然愛茲墩。墩手稿誤作墩。嗟公雅好事。
事作爭。道不似叮咛。似作殊。情偶似形器。似
作寓。送魏好義尹分水賦。十六瀨。一江春水
落鸞瀉。水作兩。時飛鳬鴈上雲端。鴈作鳥。雲
作岩。題金明寺圖。寺作池。六飛回首塞池紅。

池作塵。懷泳南江。並顧黃晉鄧州判。白傳中
原。緒貝業。原作年。長州苑分韻。題送于夢臣
赴平江。經歷。綠草一州。春走犬。州作川。題吳
和之所藏五麒麟。五作玉。題柏仲節所藏錢
舜舉金碧山水。柏作伯。懷大滌山。李坦之微
君古律二首。軌塗脫軒冕。冕作輕。翠飄酌丹
泉。飄作歌。韋布慕岩澤。布作衣。歸去採山中
採作來。家懷萬里藥。藥萬作東。送極元講
師主四明。夜禪月照白蓮華。夜手稿誤作衣
雲濤軒為吳孟師作。把帝青珠捫斗縮。縮作
宿。鐘鼎旗常輕一羽。手稿鐘鼎下脫一字。常
作棠。悼西山猿。憎曾索果西湖上。憎作慣。更
約他山獻玉環。山作生。喜白髮為陳師復賦
正數朝。杭雪數莖。作正喜朝。楓雪數莖。題廣
微天師昇龍圖。安得攀髯過六丁。六丁作洞
度。題節婦呂氏傳後。烏鏡越南枝。烏作鳥。

卷四。四幅。皆縱八寸四分。一橫一尺三寸一分。二橫一尺三寸八分。三橫一尺四寸三分。四橫一尺四寸六分。首末俱題江月松風集。

卷之四。

謹業鈔本杭學初正講座。憲使吳公命也。詩以美之。柏府往荅司荅手稿作食。釋菜見先聖。手稿脫菜字。牙森齋魚膳。考膳字無仄聲。疑是膳字。訓詁通王鄭。通作陋。業肆諸生泳。業作齊。客憐敵貂蔽。蔽作蘇。東援飯牛寧。援作拔。冠旁湯子諱。湯作陽。蒼生慰懸磬。磬作磬。是詩已叶磬韻。末句不應複春。游曲和傳子通韻。兢。軀升沈。舊宮井。升作聲。定山十詠。

風水二洞。垂岩出水。水渠渠。作垂巖出水。廣渠渠。鳳凰雙髻。兩髻髻髻髻。暮樓嵐。髻作髻。誰

朝風俗。烏紗帽。俗作落。朱梁夜泊。寄漁燈映。並山村。寄作宵。一運烟雨。夢吳門。蓬手稿誤。

作蓬。定山早行。序。謝靈運。富春渚。詩有曰。定山面雪霧。面作緬。雪作雲。漢文夜明。經略約。

文作火。六和觀月。序。錢唐令張君房。曾宿此寺。此寺作月輪寺。招提高轉。月輪拳。轉作占。

五雲賞雪。序。主僧奉表。以雪進。手稿主僧下有必字。蓋其地特高。故寒云。故字抄本增。化

人臺殿。雜金口。缺字。係銀字。龍門晚雨。登樓時。攬女蘿衣。攬作覽。漁浦春潮。款乃若聞。空

外音。若作時。浮嶼藏魚。投洲每笑窮漁者。投作沒。浙江耀武。春日樓船觀晉相。相手稿塗

改作將。觀廢宮城。壯勞萬里。築。壯作北。顧號口口毒。手稿硃書。少二字旁注。朽壁爛。椒餞。

朽作朽。哀哀雁孤鳴。作哀哀孤鴈鳴。鴈字旁
注。夜字。當是哀哀鴈夜鳴。撫膺慨金湯。膺作
懷。秋風遠掃眉。風作拳。平生渺堪輿。渺作眺
過環山求虞卿家訪申屠光遠。中有幽人此
著書。著作讀。久旱酷熱以杜詩林熱鳥張口
為韻。分得口字。山蛭脫塵垢。脫作蛻。載瞻天
咫尺。咫尺作只。劉時守待制見和定山十詠作
詩以謝。守作中。王口口士來湘中。係缺堂學
二字。笑攬銜。嶽吞雲夢。嶽作霍。識荆載拜二
十載。載拜作再拜。定山品題口自靈。手稿亦
脫一字。百川砥石為之東。石作柱。日輪日上
清虛宮。日上作直上。潤色舊觀重發蒙。蒙作
懷。分題賦三高亭送王彥昭之平江。手稿無
送字。歸吳豈為萼。鱸計。鱸字損。近竹軒。東里
家居。剡水前。水手稿誤作溪。故迪功郎項君
挽辭。君諱口。缺字係某字。應可致安平。平字

當是車字。上叶初書廬三韻可據。望雨。驅屬
文能誦風伯。誦作松。送張仲舉赴昇庠訓導
手稿題末有括字。斗牛光縣見龍泉。無作機
史雲豈肯留賓閣。史作吏。侯載終期口帝前
載作戴。缺字係難字。若到秣陵應致古。致作
放。未容秋興理魚船。魚作漁。竹軒為吳江朱
君賦。若人稽阮流。稽作嵇。忘形孰賓主。形作
情。是詩第十一句徑造謝輪四字下原缺。接
幅另是一詩。眩搖雙碧句。缺上三字。吐火心
靈養寸丹。七字為句。下叶歡灘韻。可證。未知
何題。金侃抄本以眩搖雙碧吐五字為句。又
空白九字。以火字為韻。誤。

卷五。五幅。皆縱八寸四分。百四。橫一尺三寸
七分。二。橫一尺三寸六分。三。橫一尺三寸五

分五。橫九寸二分。首末俱題江月松風集卷

之五。鈴印一。錢惟善印。

謹案鈔本三月既望。求虞卿申屠光遠葉子
實諸友載酒過西山。酹右丞公墓。飲泉菊亭。
詞藻東吳陸。手稿缺吳字。虎賁與口明。缺字
係大字。醺酒塚上木。塚作宰。奉和太常博士
柳公浦陽十詠詩。白石湫雲。口雨深涵白石
泓。缺字係霧字。誰因肺渴口寒冽。缺字係刺
字。寶掌冷泉。靈物蜿蜒。古有龍。蜒手稿誤作
蜒。洞藏貝葉口金鐘。缺字係殷字。月泉春夜
夜作詞。潮溪夜漁。水沒蘆花舊釣磯。釣作石
東嶺秋陰。尺天不雨亦空濛。空作空。高處夕
口難攬結。缺字係佳字。深哀江源。深哀淵源
萬古流。作深哀淵源。萬里古流。里字衍。高評

崑崙近斗牛。崑手稿誤作崑。昭靈仙蹟。肌膚
冰雪藐姑人。姑作神。瓊花賦。管侯家所植者。
煬帝空游后土祠。帝手稿誤作地。奉送前御
史監察河南僉事達兼善移官淮西三十韻。
石鼓識陳倉。倉手稿誤作蒼。金鰲憑要渺。
作渺。論詩擊燕口。擊作繫。句缺末字。晚入白
岩山。曉來岩山風。山作上。故婺州錄事文林
周公挽詞。痛絕郎君問。晚寒作痛絕郎君。晚
間安。西風吹淚洒秋蘭。風手稿誤作秋。滿城
縣瑞芝。序。監察御史南鄭王君伯成序其事。
成作循。髯戟冷秋霜。冷作凜。秋熱得雨有懷。
楚氣蒸火雲。氣作氛。涸澤鱉魚虞。作涸澤鱉
鱉魚虞。當刪魚字。下句大厦燕雀賀可證。秋
高海濤北。北作壯。東叔仁并寄子平徵君。多
病論詩口不凡。缺字係儘字。迷懷寄光遠并
東城南諸友。羽觴落水闌修楔。落作洛。一株

寒雨入棠梨。入作濕。梨手稿誤作黎。偶成。藉
此聽潺湲。藉手稿誤作籍。富春附海船還省
侍。望拜子陵祠堂。饋餉方走燕。饋餉作餉。饋
啖利亦細微。啖利作利。啖欲令海濤竭。濤作
波。送李士廉調浙東帥府史并東石室禪師
惜花心老。笙詩裏詩作詞。蔓草吟新案牘間。
吟作詩。送姑孰陶性之學正赴京師求仕。五
柳嘗歸去。嘗作曾。三茅非隱居。非作亦。送陳
輔賢侍母之柳州興寧簿。柳作彬。送桂希賢
還四明。別海史酌新葡萄。海作酒。史作更。
卷六。三幅。皆縱八寸四分。一橫一尺四寸九
分。二橫一尺五寸一分。三橫一尺五寸。首末
俱題江月松風集卷之六。鈐印一。錢惟善印。

謹案鈔本送魏好義宰樂清。雲間禪衲編龍
湫。徧手稿作過。送李德夫福建運司書吏。山
引郵城入侯官。侯作候。兩潮漁上助盤飧。漢
作魚。十六夜登拱北樓看月蝕。再拜微臣額
蹠沙。蹠作塌。賦歲晚江村。吾農卒歲晴。晴作
情。壽松老人汪拱宸八秩。宸作辰。秩作十。賀
段吉甫新任照磨江浙行省。黃衫分宴參珠
履。衫作柑。王敏夫挽詞。龍創篋空啼鬼母。篋
作匣。元日紀事。九重鳴樂奏韶鈞。奏作相。元
日次韻。元日嘗陰冥勿論。嘗作常。送故迎新
無眼意。眼作限。菊隱為求唐卿賦。百年心事
傳黃花。傳作傳。運司經歷范明府致仕歸太
原。白頭幕府最承恩。幕府作府。幕。送梁叔遠
東書未覓賀循船。未作來。送王文正還魚臺
正作振。題錢選毛女。君王若問長生樂。樂作
藥。送滕義甫赴建康學訓導。建業山川似伊

洛業手稿誤作葉。端午日與劉環翁游故內
寺。百尺青銅宮井西。銅作桐。題竹石。向日海
霧精靈悲。向作白。建德山中洪水雨。後作寄
默齋從事。鴻發滿湘郡。相作洒。送洪省吾歸
淳安。豈無薰南來。作豈無南薰來。返我太古
質。質手稿誤作質。書質字於是幅上。悠哉勿
輕出。悠作優。洪安道挽詩。夜壑藏身萬事空。
身作舟。

卷七。三幅。皆縱八寸四分。一橫一尺四寸四
分。二橫一尺四寸七分。三橫一尺四寸八分。
首末俱題江月松風集卷之七。

謹案鈔本九月晦日張機仲同宿明慶亭會
堂上人房。是夜讀羅昭諫詩。寶坊金碧近閭

聞。聞手稿作聞。十月望日雨後與湯鼎臣過
包山福泉。臣作成。寄牛彥伊。銀絲鱸膾。宸鮮
美。手稿脫贈字。聞項可立先生訃。百年邱壟
全歸壁。整作雙。大風雷雨電。蛟龍攝取凌人
猶。凌手稿誤作凌。勢似水山白日橫。推作推
次韻錢良貴江行芙蓉城郭夜偏涼。郭作廓
題方仙翁手卷。題下注仙翁即青溪道士手
稿。注七字於詩末。青作清。送李士元歸湖南
養親。湖作河。題風雨歸牧圖。辟立山精白石
藏。立作應。送張小山之桐廬典史。霜晴萬木
丹青徧。徧作變。送陳敬復攜妻子往沛中省
親。吳船晚入蕪城雨。船作網。酒熟鄉隣多黍
稷。黍稷作稷。黍就東敬復乃翁伯孝助教。孝
作暮。一代文章獨好奇。代手稿誤作代。九日
興武仲仁登尊勝塔寺雨注蛟龍柱作雨注
交龍柱。呂德甫妻施氏挽詞。別愁分倚入胡

筠。倚作付。兒讀殘詩。到月斜。詩作書。寄呂彥
孚。心跡都無海島疑。島作鳥。先陰翻欲陳駒
馳。欲作歡。送錢良貴之蘭溪。行李無人舟一
葉。人作多。十一月初三日與袁鵬舉錢良貴
同登雷峰塔訪魯山文公講主。初三日作初
初日。揚志行挽詞。魂如屈宋。拾屈宋手稿誤
作宋屈。

卷八三幅。皆縱八寸四分。一橫一尺三寸九
分。二橫一尺三寸七分。三橫九寸八分。首末
俱題江月松風集卷之八。

謹案鈔本程國珍雙親同慶八表八表手稿
作七十。六月游包山福泉。月作日。送朱子招

游金陵。自送越人遊冀北。冀作薊。歸雁去時
開畫鷁。鷁手稿誤作翽。流鶯啼處別青樓。處
作後。此遊不似幽居者。此作壯。送陳新甫太
祝造祭器還京師。公廩作樂庫。趙事庭手稿
誤作建。送王子仁之。閩帥府。幕下文思方雜
香。思作書。香作還。張圓離賦。滿池月色如霜
白。手稿霜字模糊。二馬。毛鬣蕭蕭兩相鳴。蕭
蕭作蕭。騷。舉頭忽又夕陽嘶。又作向。故陳母
夫人張氏挽詞。合葬初諧百歲期。諧作倚。孝
友哭家城破日。友作義。送李可度。九天雁準
翔雲高。雁作鷹。挽翟公參舟千載感陳雷。載
作里。寄趙初心。紅袖烏口扶醉口。句缺二字。
手稿作紅袖烏口。孫扶醉寫。送張石隱歸東陽。
歸作過。十五日。呂彥孚王槐卿方雲器馬彥
初同過三茅觀山。三茅真觀聚羣仙。觀作館。
抱琴攜酒酌年年。酌作約。賦壽梅苔。皴朽幹

元無恙。敝作朕。送陳來仲之官翰林應奉。春
雨初香。杜若州。州作洲。春咏燭花深。夜翦夜
作院。早朝諫草。鎖窗聞。聞作焚。並來張仲舉
徵君手稿。題首有又賦二字。

卷九。三幅。皆縱八寸四分。一橫一尺三寸八
分。二。三。橫一尺三寸七分。首末俱題江月松

風集卷之九。

謹案鈔本送趙季文之官湖州。分題得蘇環
潭。鷓鴣班行終可造。造手稿作遙。和季文山
齋早春。翠禽鳴。卿在簷端。卿作听。送姚德莊
之淳安縣學諭。誰憐短褐。尚報達達。達作蓮。烟
湮。廚庖學康。豐手稿烟字損。廚庖作司。城作誠。
中瑞師典簿楊元城。還京師。師作司。城作誠。

御榻先馳貢。榻作帽。貢作進。題清暉亭。段家
亭子近湖山。湖作吳。白雲相對柱魚班。班作
須。閒題溪上衿。溪作漢。二月望日與呂彥孚
錢良貴方雲器過龍華寺看桃花未開。興盡
而回。燕麥在襟臺。在作長。送上清員外薛元
卿歸瓊林臺。員外作外史。梁館候山。誠有約
山作仙。層臺恍若崑山頂。山作邱。江雲劉先
生挽章。江作汪。亡國敢言邊塞急。亡作忘。思
雲軒為汪會之以敬父子作。露露春雲好。露
露作藹藹。抱雲為潛然。潛手稿誤作聲。待月
亭。莫言清景昏難見。言作嬌。玉簫馬為彥孚
作。空中環珮聲高下。珮作玦。蓮葉贈天目周
上人。萊作萊。錢子雲有二齋號風雲可月索
賦。手稿齊字下有居字。風作封。滿身風露滿
口冰。缺字係層字。

卷十。三幅。皆縱八寸四分。二。橫一尺三寸七分。三。橫九寸一分。首末俱題江月松風集卷之十。

謹案鈔本送楊仲賢之金華縣典史。分題得金華洞。楊手稿作潘。九日與呂彥孚。陸孔昭。來鵬舉乘風而泛湖中。有期而不至。蔡東流上官東閣楊邊梅。分韻得滿。朱二字。有期而不至句。末有者字。九月望日與楊蕭夫。司今來鵬舉。陸孔昭。賓王泛湖過岳墳。及林和靖墓。分韻得橫字。王作玉。題半間雲。青城無者受風。並受作愛。題耕樂堂為許生作。此生惟有慕華耕。生作心。送王文敏重入京師。安保雙金贈。保作得。應聘多著碩。聘手稿誤作驍。

題萱蕙同芳圖。風光轉蕙及萱花。風光作光
風。題魯彥康所藏范寬山水手卷。卷作軸。松
雪竹。石蘭。雪白深蘭一再彈。雪白作白雪。松
雪竹。要渺還成楚峽雲。渺作眇。顯應觀書事。
忘機庶可參。忘作元。送方叔高之泉州南安
尉。久勞弓劍慰山家。久作又。海州風靜來犀
象。州作洲。次韻李克讓過邱以敬仁壽寺讀
書所。壽作王。非因事覺王。王作皇。送海東之
南省幕中口鳳鳥。手稿亦缺一字。

卷十一。三幅。皆縱八寸四分。一橫一尺三寸
七分。二橫一尺三寸六分。三橫一尺四寸四
分。首末俱題江月松風集卷之十一。

謹案鈔本題遺安軒為吳江朱君竹子。蓋作君手稿作居空隱子以燈花寫草蟲人物。蓋用雲巢家法。且書坡翁題雅秀才八詩于右。人物作八物。雪岩為管公賦。云胡玉氣生氣。生作長。李君彥何道衡雨中見訪留宿。以今日重來白首分韻。得今日二字。各賦詩二首。以記之。兩聲正蕭蕭。聲作樹。送羅敬之侍親之長林。任并東樂清尉邱長卿。風橋連越嶠。手稿橋字點去。未添注。庚辰臘日大雨雪。至明年元日。承普安善卿劉環翁賽前思誠韓思學四卿元泊素鵬舉朱子昭同酌。抵暮而歸。三日納復禮。謂當作詩以紀。因綴七言律一首。卿作鄉。四日呂謀甫呂彥孚昆仲相招飲家園。節近燒燈田蟹火。大作大雪。晴次邱以敬韻。一簾晴響滴簷花。手稿塗簷字。未添注。極目亭四首。江湖一色做風烟。色作。

次韻呂彥孚秋懷二首。有妾解塗鴉。妾作如
壽。裁堂。客來剪髻助盤餐。髻手稿誤作髻。食
作殘。石上枯。寂中猶有蛟龍盤。寂作寂。疏鍾
焦尾。斯其何。疏手稿作疏。亦誤。當作疏。世經
長亂。恐若失。作世經長亂。恐失真。即是當露
慮琴。手稿當字下有年字。疑賓鐵。平泉別墅
朗談處。蓮師之談。通聰穎。談俱作彈。翠雨亭
月明更鼓相靈漏。漏作瑟。十月朔旦錢良貴
來訪。已而素鵬舉亦至。遂同登三茅觀。過清
遠堂。然後歸。一池雨浸青銅色。漫作凝。

卷十二。三幅。皆縱八寸四分。一橫一尺三寸
八分。二橫一尺四寸。三橫四寸五分。首題江
月松風集卷之十二。

謹案鈔本漁村意丙穴漁來江盡頭。漁手稿
作魚。西風木落洞庭秋。落作葉。松花石。鐵色
真同元處卧。處作虎。閉門枕流。隔江雨。隔作
聽。賦。孤白裘。送余仲懷歸歛。輕疑紫貂口。疑
作於。缺字係煥字。楊隱居挽詩。序再授翰林
檢閱。授作為佳。人鬱鬱枕松籬。人作城。杜錄
事挽詩。豈弟化民真杜父。真作稱。人日喜晴
分韻得人字。此日喜達人。此作七。送張文郁
考滿北上。夢入五湖波浪惡。入作涉。捧康倫
然一如昨。作倅康倫然如一昨。授書不似童
子記。似作事。學海須要涵百川。作學海要須
涵百川。麗相資聖所貴。麗字下有澤字。他山
之石為可錯。作他山之石可為錯。正月十六
日與劉生雪中過三茅觀。天風吹放鸞。放作
鶴。明月看晴色。月作日。顧碧塘先生挽詩。德
種爭看三子秀。看作詩。廣陵城外新營幕。營

作運訪達山觀師云寂已隔歲矣感而賦詩
不作縐衣別縐作留聞呂彥孚後園牡丹盛
開與錢良貴有賦詩之興因為長句以記其
美手稿興字缺護日兼防風雨至防作妨三
月望日與袁鵬舉賓玉同遊北山東山神仙
宮諸勝處訪喜鵲寺茂上人相遇泛舟而回
喜鵲寺中因舉訪訪作話雨後登吳山過城
隍廟眺望淒涼猶是覺繁華是作自百家香
火祠神宇家作年又紫鈔本有新正試筆次
韻清谿野史高作題倪雲林畫又五古未著
題題風雨護嬰圖梅道人墨菜題破窗風雨
題松雪墨竹題趙彥微畫送賈元英之照潭
清送齋共十首第一首題注以下續集附卷
十二手稿俱未載又

石渠寶笈續編所載馬琬幽居圖一卷有錢惟
善詩三編所載王冕墨梅一卷有錢惟善七

言絕句。即鈔本題松雪墨竹詩。末句玉堂仙
客寫橫枝。墨梅卷作孤山仙客寫橫枝。又三
編所載元人合筆陶九成竹居詩畫一卷。有
錢惟善詩。手稿及金侃鈔本俱未載。且是冊
卷一。卷二。卷三。卷十二。末無標題。當有缺葉。
又手稿詩句。未知何人評。有連點者。有抹者。
各詩首句。有硃點者。墨圈者。草書間有釋文
旁注。

前幅陳旅夏溥序。

陳旅錢思復詩序。並款。載鈔本。

欽定四

庫全書陳旅序見謹案陳旅序見

是冊作夫詩本於性情之微。安得從思復日
徜徉於雲烟水石間。以陶寫吾之所得於天

者乎。徜徉作裏羊。安字者字損缺。

夏溥錢思復先生詩卷敘。文不款。至元五年

春三月十六日。淳安夏溥序。

欽定四庫全書總目云。夏溥序以宋末四靈指為晚

謹案唐之人。絀繆殊甚。削不載焉。茲亦不錄。僅存其款。

後幅。陸嘉穎曹溶補書錢惟善詩。

題崑山顧仲瑛碧梧翠竹堂。露井風闌護翠寒。高梧修竹有棲鸞。謝家寶樹平泉石。今在

玉山佳處看。崇禎甲戌中元。練川陸嘉穎揮
汗簡補於吳門之西郊草堂。鈐印二嘉穎子
垂。題馬遠畫商山四皓圖。已剖巴陵橘。猶
歌商嶺芝。避秦非避漢。一出繫安危。乙亥仲
秋四日。雨窗補記。千峰玉立弁山東。湖定
移舟入鏡中。一代風流唯見畫。令人轉憶雪
溪翁。題錢舜舉弁山雪望圖。丙戌十月九日。
錢惟善。題宋徽宗畫狸奴銜魚圖。徽廟宸

翰世已無。銜魚隨意寫。狸奴金與北。狩知何處。惆悵春風看畫圖。壬辰六月十二日。揮汗簡補。子垂記。鈴印一平原。再次廷璋長史留宿韻。劉伶漫道酒為名。心醉六經渾未醒。氎面蟻浮眉宇綠。紫頭螢照汗編青。高堂留客聽今雨。故國懷人見曉星。顧我獨無軒冕累。百年何必苦勞形。見說西南有漏天。閒門十日雨連連。放懷且飲千鍾酒。乘興須行

萬里船。誰謂太元譏寂莫。自慚樊素舞便娟。
怪君相憶多佳句。寫遍吳城五色牋。余家
藏元人真蹟。有此二詩。乃知江月松風集尚
多遺佚。思復以書名。卷冊流傳人間者。隨見
當補入也。鈐印三。游戲翰墨。曹溶。鋤菜翁。

後副葉曹溶補書錢惟善詩。

過顧仲瑛可詩亭。自寫游仙記。長懷戀闕心。
開樽留好客。促席和新吟。亦有孟東野。豈無

支道林適然幽興至還復一登臨。戊午小暑
前二日。從玉山名勝集中抄出。鋤菜翁題
息齋畫。醉車先生落筆處。一竹一石病容開。
焚香披向幽齋看。想見清秋野思來。從李氏
所藏畫卷中抄出。方寸鍊詩為朱珪贈。十
年兵興遍天下。名山大澤罹野火。野火燒盡
秦漢碑。咸陽鬼哭無人打。故人吳睿業篆隸。
好古乃有如珪者。妙刻金粟道人章。尤精白

描桃花馬。金印徒聞如斗大。零落當時建章瓦。君不見黃鶴仙伏靈芝。北海文章長高價。戴崑山雜咏卷二十三。

謹案錢惟善手稿後陸嘉穎補詩四首。曹洛補詩五首。鈔本俱未載。

鑒藏寶璽

全五璽 寶笈三編

收傳印記。倦圃。二。谿亭詩老。一。重。潔躬。二。重。中吳。錢氏收藏印。二。重。彭城世家。彭城。錢穀。一。重。錢氏叔寶。一。重。鍊香過眼。關內侯印。周。文萃私印。曹。

溶之印。蒼巖棠村審定。二印重蕉林觀其大

畧。鑒香邱學敏印。

謹案錢惟善集在明不甚顯。故焦竑撰國史
經籍志收元人詩集頗夥。而惟善所作不著
錄。其傳于世者。惟賴良大雅集所錄詩九首
而已。惟善手書真蹟。藏于練川陸氏家。後歸
嘉興曹溶。康熙中。金侃于客家抄得。又以甫
里許氏藏本較其異同。始行於世。顧嗣立元
詩選即據此本採入。陳旅字衆仲。興化莆田
人。以虞集薦。歷官國子監丞。元史有傳。夏溥
字大之。一字大光。淳安人。領至治三年鄉薦。
為安定書院山長。轉龍興教授。見四朝詩姓名
攷。陸嘉穎字子垂。嘉定人。天啟中。官主簿。有
現隱集。曹溶字潔躬。浙江秀水人。崇禎丁丑

進士

元俞和書陶潛詩 二冊

本幅紙本二冊。上冊十八對幅半。下冊十六

對幅半。皆縱五寸。橫二寸六分。楷書。上冊首

題陶靖節詩。四言四十四首。起。停雲。詠歸。五

言三十四首。起。形贈影。詠庚子歲五月中

冊五言五十六首。起。辛丑歲七月赴假還江陵

詠貧士。詠二疏。詠三良。詠荆軻。

讀山海經。擬挽歌辭。聯句詩。

前幅陶潛像。

本。

後幅題跋

元俞和子中小楷書陶靖節詩帖。筆法嚴整。兼有逸韻。名齊松雪。殆不虛言。惜乎缺本。不害其為寶也。無款印。元俞紫芝書。陶五柳

詩。

此九字隸書。據後陸紹曾跋。上五字文徵明題。下四字項元汴書。

陳善

杭州志云。俞和字子中。杭人。號紫芝。解縉云。

桐江人。寓居錢唐。沖澹安恬。隱居不仕。能詩。

喜書翰。蚤年得見趙文敏運筆之法。臨晉唐。

諸帖甚夥。行草逼真。文敏好事者得其書。每

用趙款識。倉卒莫能辨。吳趙陸紹曾書。

隸書。

元俞紫芝名和字子中。號能書。規模松雪。出入二王。此冊小楷陶詩。骨肉停勻。珠圓玉潤。收藏得所。紙墨如新。真臨池家鴻寶也。向藏項墨林天籟閣中。有八分題云。元俞紫芝書陶五柳詩。上五字。文衡山題字。下四字。墨林手筆。又有文氏父子收藏印。及子京題跋。秘

笈秘玩諸印。嘗為好事者翦去其名。偽作趙書。遂至金零玉碎。亦紫芝之一大厄也。丁未夏。日得於卧龍里。誦其詩。閱其跡。雖有明月之珠。夜光之璧。烏足以易其寶貴耶。白齋陸紹曾重裝并志。

鑒藏寶璽

全五璽

寶笈三編

收傳印記。文徵明印。衡山。文壽承氏。三橋居士。寄教。項墨林父秘笈之印。墨林秘玩。桃里。

子孫世昌。項墨林鑒賞章。構李項氏士家寶。
玩子京墨林父退密。項元汴印。墨林山人遊。
方之外。項子京家珍藏。願君自發從吾。半蘇

國

半

翰林陳緝熙氏書畫印章。

雜案陶潛詩二冊。為介和小楷書真蹟。間有
字誤。今以陶集校之。如停雲四首之一。山游
餘霜。霜字下多暖字。神輝萬理。自森者。理誤
作娃。歸園田居六首之四。井窻有遺處。有字
下多餘字。問來使。我屋南窗下。窗作山。游
川。念之動中懷。脫之字。示周續之祖公謝景
夷三郎。周生述孔贊。缺孔字。五月旦作和。兼
主簿。回。復遂無窮。遂作自。肆志無穴隆。缺志

字。連兩獨飲。於今定何開。關誤作問。刪劉柴
桑。新蔡勢北騰。贈作壚。於王撫軍座送客。別
渚思緬邈。思作四。贈羊長史使秦川。人幸
見疎。奉誤作來。歲暮和張常侍。旅力豈未
缺。旅字。悲從弟仲德。慈母沉哀痛。痛作疚。雙
位。委空館。缺雙字。還舊居。攝置且莫念。且作
一。丙辰歲八月中於下。淇田舍獲稻。束帶候
鳴鶴。誤作束帶候鶴。鳴飲酒二十首。誤作飲
酒十二首。其七。況此志憂物。況作況。其十。息
駕歸閑居。歸作吾。其十三。日沒燭當炳。作日
暮。燭當秉。其十四。酒中有深味。深作真。其十
六。饑寒飽所更。饑誤作飽。止酒。止酒情無
脫。止酒二字。迷酒。山陽歸下國。國誤作園。擬
古九首。其二。非商復非戎。戎誤作戒。其六。指
彼決吾疑。決作不。標詩十二首。其一。此已非
常身。常誤作尋。其二。風來入房戶。房作窗。揮

杯勸孤影。杯作觴。丈夫志四海。志誤作至。尊
中酒不燥。脫不字。其五。騫翮思遠翥。翮誤作
翻。

[illegible]

元王冕上林春早圖 一冊

〔本幅〕六對幅。右絹本。皆縱八寸四分。橫一尺一寸五分。墨畫梅花。無款印。左紙本。空。

鑒藏寶璽

五璽

寶笈三編

〔收傳印記〕第三幅印一不可辨。

謹案王冕。字元章。號黃石山農。諸暨人。考見續編。又宋源作冕傳。言太祖取婺州。將攻越。物色得冕。寘幕府。授以諮議參軍。一夕以病死。朱彞尊云。冕為元季逸民。自宋文憲傳出。世皆以參軍目之。冕何嘗一日參軍事哉。讀徐顯禪史集傳。冕蓋不降其志以死者也。向

來編詩者。以元章入明。顧嗣立元詩選。特援
彝尊之言為證。今從之。

元王冕畫梅花 一卷

本幅紙本。縱八寸三分，橫七尺一寸六分。墨
畫梅花自題。蒼苔叢篠路縈迴。繞澗新栽百
樹梅。花落不隨流水去。鶴飛常帶白雲來。買
山自得居山趣。處世渾無濟世材。昨夜月明
天似洗。嘯歌行上讀書臺。會稽山農王冕寫
於煮石軒。時丁酉春正月十六日癸卯也。鈐
印四。王元章竹齋圖書。方外司馬學而未能。

後幅題跋

玉顏不似向來真。猶是梨雲入夢頻。安得影娥池上水為渠。一一洗緇塵。張庸鈐印一。江東張氏圖書。武陵溪上桃千樹。亦有寒梅照水開。一種春風標格在。太平恩澤為栽培。臨郡陳基鈐印一。素行齋。孤山仙侶有梅花。寂寞咸平處士家。留得王髯醉時筆。歲寒仍舊發枯槎。遂昌尚左生鈐印一。遂昌山樵。

小橋流水雪晴時。曾折幽芳寄所思。明月
觀深春夢遠。孤山仙客寫橫枝。曲江錢惟善
鈐印二。錢惟善印。曲江居士。照水疎花水
有暈。橫窗瘦影玉無痕。孤山月冷黃昏後。拄
杖曾敲處士門。至正辛丑良月既望。吳郡張
渥為碧巖題於習靜齋。鈐印二。張渥叔厚。
濃寫花枝淡寫梢。鱗皴老幹墨微焦。筆分三
踢攢成辨。珠暈一團工點椒。穆綴蜂鬚凝笑

鑿穩拖鼠尾。施長條。盡吹心側。風初急。猶把
枝埋雪半消。松竹襯時明掩映。水波浮處見
飄飄。黃昏時候。朦朧月。清淺溪山。長短橋。閣
裏相挨。如有意。靜中背立。見無聊。筆端的。歷
明非畫軸。上縱橫。不是描。頓覺生成。盎盎
因思行過雨。瀟瀟從頭摠。是楊家法。擿下工
界。豈一朝。辛亥八月十有三日。過顧子羽東
溪小隱。羽為伯璣求題。時予匆促。理櫂不得。

思索。遂錄彙齋詩書於其後。尋陽張羽鈐印
二張羽私印。張氏來儀。已酉二月廿一日
為清明日。僕客伯璵徵君家。高齋焚香滄茗。
觀燕文貴秋山蕭寺圖。展玩既久。復出此王
元章梅卷見示。精妙入神。不敢緩辭。沈君索
詩書卷後。勉賦四語。後二載復觀斯卷。諸公
沛然吟長篇。伯璵復索鄙詩。故有是作。王郎
筆底無纖塵。只有萬斛江南春。疏花冷蕊禁

不得珠明玉潤前森陳。珊瑚交柯撐鐵網。金
芒鑠日張龍鱗。咸平處士西湖濱。風雪滿頭
肌肉皴。長歌短吟梅樹下。聲詩寫得梅花真。
王郎晚載剡溪雪。艤舟孤山一閑津。色香口
塵盡奪取。高揮大抹駭世人。舊時娟娟裏湖
月。清光長照無疎親。遂昌鄭元祐重題。時年
冬
十二月
八日也鈴印二。遂昌山樵。鄭氏明德。姑射
仙人冰玉姿。誰傳神采入鵝池。無情羌笛休

頻奏。歲歲春風不受吹。鄰初煥鈴印三中山。
郡圖書印。湯煥之印。湯克夫氏。玉樹報寒
芳。清風飄異香。朝來雲散後。却似漢宮妝。咏
梅花一首。許光祚鈴印二。許光祚寤生。

鑒藏寶璽

五璽

寶笈三編

收傳印記。樵李李氏鶴夢軒珍藏記。顏菴老
人藏畫記。黃琳美之。休伯錢吉家藏子孫世
寶之。

謹案張廣字鼎載江陰人洪武中舉明經授
本縣儒學訓導見明詩綜小傳湯煥字堯文
號鄰初仁和人隆慶庚午舉人官江陰教諭
見江陰志許光祚字靈長舉人官太平知縣
與湯煥同郡得其書法時人號曰湯許見杭
州府志

元王冕畫南枝春早 一軸

本幅絹本。縱四尺七寸二分。橫一尺六寸四分。墨畫梅花。自題。和靖門前雪作堆。多年積得滿身苔。疎華箇箇團冰玉。羌笛吹他不下來。癸巳夏五。會稽王元章自南作。鈐印三竹齋圖書口。王冕。會稽佳山水。原題。緱嶺仙人學道成。欲乘鸞鶴觀三清。月明獨立天壇上。雪縠衣裳玉珮聲。唐肅鈐印二唐肅處敬。

鑒藏寶璽

全五璽

寶笈三編

元王冕畫墨梅 一軸

本幅絹本。縱七尺二寸二分。橫一尺九分。墨
畫老梅數枝。無款。鈐印三百花魁。口寶華瑞
生意。

鑒藏寶璽

五璽

寶笈三編



元馬琬畫喬岫幽居 一軸

本幅絹本。縱三尺七寸五分。橫一尺八寸。水墨畫層巒叢樹野屋幽居款。至正九年夏六月哉生魄。秦溪馬琬文壁為竹西聘君寫於不礙雲山樓。鈐印三。馬琬私印。曾鈍生馬琬文壁印章。

鑒藏寶齋

五璽金

寶笈三編

收傳印記司印

半印

圖書

半印

墨林秘玩蕉林居

元方從義畫雲林鍾秀 一卷

本幅紙本縱七寸四分橫三尺二寸六分水

墨畫雲山煙樹自題雲林鍾秀鈐印一墨池

清興款方方壺畫署款山又款洪武丁巳方

壺子作贈鄧止菴還朝鈐印二方壺書印

不芒道人

後幅題跋

上清仙子本天僊下謫來修水墨緣聞道琵琶

琶嶺頭月。照歸黃鶴又千年。此圖方壺先生
所作。用米氏之法。將化而入神矣。觀之正不
知何為筆。何為墨。必也心與天遊者。始可詣
此。先生觀化已久。遺蹟在人間。如可想見其
風骨。故題是絕。少寄仰止云。後學沈周。鈐印
三。啟南。石田。白石翁。自昔愛名山。歸來倦
登歷。當湖乃水鄉。岑岫杳難覲。舊蹟見方壺。
下筆興清激。層峯亂嶺岬。荒溪倚蘆荻。滄浮

雲烟生蒼翠。渾欲滴。雪窗時卷舒。道路恍可
適。因之悟靜理。萬事如破的。江花開遲遲。山
鳥啼寂寂。聊此豁心胸。無勞圖宗壁。閨戶本
寡營。塵襟安用滌。康熙辛未正月廿日。抱甕
翁高士奇題。鈐印二士奇。竹窗。


鑒藏寶璽

五璽全

寶笈三編

收傳印記江村祕藏竹窗書畫圖記

謹案是蹟見高士奇江村消夏錄款識題跋
印記俱在。惟周大夫方叔之後印無存。



元方從義畫山水 一軸

本幅紙本縱三尺四寸。橫一尺三寸七分。設色畫列岫雲深密林雨重。一人憩茅屋中。小艇泊于谿岸。自題一溪宿雨千岩碧。百道飛泉萬樹聲。皇慶二年夏月畫。金門羽士方方壺。書鈴印一。金門羽客方方壺印。

鑒藏寶璽

五璽

寶笈三編



元張雨書唐人絕句 一軸

本幅紙本。縱四尺八寸。橫一尺五分。行書。絕頂新秋生夜涼。鶴翔松露濕衣裳。前村月照半江水。僧在翠微開竹房。款大元至正辛巳。張雨。鈐印一句曲外史。

軸內鈐

高宗純皇帝寶璽。乾隆御覽之寶。

鑒藏寶璽

五璽

寶笈三編

收傳印記見易子珍藏記見易圖書張丑之
印子安珍藏記吉父范克昌氏安儀周家珍
藏

元人上林校獵圖 一卷

本幅絹本。縱一尺四寸六分。橫四丈四寸。青
綠畫。洪波巨浸。層巒疊嶂。瑤林琪樹。傑閣飛
樓。其間士卒車旗。分寫校獵上林始終次第。
首寫巖松磴屋中坐子虛烏有亡是公三人。
為斯賦緣起。次寫紫淵丹水。跳沫騰波。鱗族
則蛟龍赤螭。羽族則駕鵝屬玉之倫。游翔上
下。次寫離宮別館。彌山跨谷。紫莖翠葉。綠陂

叢生。次寫蜺旌雲旗。天子校獵。奉饗參乘。千
官景從。次寫七校紛陳。易輿而騎。左右士卒。
撞鐘伐鼓。角走射飛。次寫張樂層臺。青琴宓
妃之徒。覲粧便嬾。更侍迭奏。次寫解酒罷獵。
返旆平皋。農郊耕牧。方輿原隰。龍鱗方田。如
錦。白雲迴合。紅亭碧樹。縹緲在溪山煙水之
間。無款印。

鑒藏寶璽


全五璽

寶笈三編

收傳印記。天籟閣。墨林秘玩。項子京家珍藏。

趙羽君家珍藏圖書。湯氏家藏圖書。

謹案此卷。蓋題元人。細審絹素。甚新。設色亦極燦爛。攷張丑。清河書畫舫載仇英實父為崑山周六觀。作子虛上林圖卷。長幾五丈。歷年始就。所畫人物鳥獸。山林臺觀。旗輦軍容。皆憶寫古賢名筆。斟酌而成。可謂圖畫之絕境。藝林之勝事也。兼有文徵仲小楷相如二賦。在後。下永譽吉畫。索考作上林較獵圖卷。絹本。長四丈。高一尺三寸餘。青綾大設色。上林較獵。千乘萬騎。位置精嚴。不失賦中一語。款嘉靖庚戌秋日。吳門仇英實父製。二書所載布景及尺寸。與此卷略同。疑即仇英所圖。因無款印及文徵明書。仍依舊藏。列于元人。



元人鴉雀先春圖 一軸

本幅紙本。縱四尺七寸。橫九寸八分。淺設色。畫古梅山茶各一樹。綴以鴉雀。無款印。

高宗純皇帝御題行書。

瓦雀栖花樹。錦鴉倚水石。託體雖不同。意各適其適。己卯秋日。御題。鈐寶二。乾隆。

軸內分鈐

寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記柱山所藏

元人三陽開泰圖

一軸

本幅絹本。縱五尺五寸。橫三尺七寸。設色畫。羊三一牧童荷筆而坐。梅一株。竹一叢。雙禽戢羽其上。無款印。

高宗純皇帝御題行書。

百羣各取一名義實詮陽。童子荷筆坐。楊朱譬語良。平安傳竹信。佳麗發梅芳。開泰曾拈說。益懷乾惕長。甲午新正上澣。御題。鈐寶二。乾隆。

軸內分鈐

寶璽乾隆御覽之寶。乾隆鑑賞。

鑒藏寶璽

五璽

寶笈三編


元人三陽開泰圖 一軸

本幅絹本縱四尺七寸五分橫一尺八寸二分設色畫柳陰石欄一嬰兒兩手據卷坐一據卷回顧跣一足一倚欄注視無款印

鑒藏寶璽

五璽

寶笈三編



元人吉羊開泰圖 一軸

本幅絹本。縱二尺九寸八分。橫二尺一寸。設色畫庭梅王立。間以翠竹。紅茶。有總角者。貂冠。威金緋袍。加貂罩甲。倚梅根而立。一穀。癯施。羈轡在旁。一童置瓶。梅根折花欲插。庭前後羣羊無算。梅梢上慶雲糾縵。紅旭方升。無款印。

軸內分鈴

高宗純皇帝寶璽乾隆御覽之寶。乾隆鑑賞。

鑒藏寶璽

五璽全

寶笈三編

收傳印記
詒晉齋印

元人平安春信圖 一軸

本幅絹本。縱三尺六寸七分。橫一尺七寸。設色畫水仙竹石。無款印。

鑒藏寶璽

五璽

寶笈三編

收傳印記。魏口世口。

半印。

[illegible]


元人踏雪尋梅圖 一軸

本幅絹本。縱二尺五寸。橫一尺六寸。設色畫
一人幅巾披氅立梅樹下。侍者折花一枝。無
款印。

鑒藏寶璽

五璽

寶笈三編




元人遊騎圖 一軸

本幅絹本縱五尺五寸六分橫三尺七寸五分。設色畫回人。鬬衣革鞢跨紫騮行荒坡中。無款印。

鑒藏寶璽

金五璽

寶笈三編



元人戲嬰圖 一軸

本幅絹本縱四尺三寸二分橫一尺九寸二分設色界畫畫堂宇兩層庭植松柏畫欄橫亘前臨石橋風柳緣陂露桃拂檻其中羣嬰聚戲或讀畫或攤書或圍碁或蹴鞠或釣或弋或騎或輿俯睇游儵仰調馴雀戢而緣樹禿而登山連袂牽裳以十百計無款印

鑒藏寶璽

全五璽

寶笈三編



元人聽琴圖 一軸

〔本幅〕絹本。縱三尺八寸五分。橫一尺八寸。水墨畫。高梧蔭竹。曲檻臨池。一人據床撫几彈琴。三人旁坐傾聽。僮僕四。或侍立。或添香。或張茶。或煮酒。無款印。

鑒藏寶璽

五璽

寶笈三編

[illegible]

元人貨郎圖 一軸

本幅絹本。縱四尺三寸一分。橫二尺二寸八分。設色畫貨郎舁一擔。雜貯戲具。羣嬰聚嬉。一仕女負嬰兒從旁觀之。無款印。

鑒藏寶璽

五璽


寶笈三編

元人貨郎圖 一軸

本幅絹本。縱四尺四寸一分。橫三尺二寸。設色畫。貨郎弛擔。羅諸戲具。鳴銅鈺。嬰兒五嬉。於擔側。無款印。

鑒藏寶璽

五璽 寶笈三編



元人春景貨郎圖一軸

本幅絹本。縱六尺一寸四分。橫三尺二寸五分。設色畫春景貨郎圖。無款印。

鑒藏寶璽

五璽
寶笈三編

收傳印記唐伯虎

[illegible]

元人夏景貨郎圖一軸


本幅絹本。縱六尺一寸四分。橫三尺二寸五分。設色畫夏景貨郎圖。無款印。

鑒藏寶璽

五璽

寶笈三編

收傳印記唐伯虎




元人秋景貨郎圖 一軸

本幅絹本。縱六尺一寸四分。橫三尺二寸五分。設色畫秋景貨郎圖。無款印。

鑒藏寶璽 五璽 寶笈三編。

收傳印記 唐伯虎。



元人冬景貨郎圖 一軸

本幅絹本。縱六尺一寸四分。橫三尺二寸五分。設色畫冬景貨郎圖。無款印。

鑒藏寶璽

五璽

寶笈三編

收傳印記唐伯虎

[illegible]


元人時時報喜圖 一軸

本幅絹本。縱三尺九寸五分。橫一尺八寸八分。設色畫芝石喬松。羣鵲翔集。無款印。

鑒藏寶璽

五璽

寶笈三編




元人太平有象圖 一軸

本幅絹本。縱三尺八寸四分。橫三尺一寸五分。設色畫梅枝松幹。水閣張燈。羣兒或坐冰牀。或蹴球。或曳象燈。擊太平鼓。吹觱篥。前後擁之。無款印。

鑒藏寶璽

五璽 寶笈三編




元人百祥行慶圖 一軸

本幅絹本縱三尺二寸橫二尺設色畫一童子
緋衣騎殺羶羶羊隨之或前或後或奔或
蹀躞或齧或就水飲或乳或鳴或卧或蹲或
立而鬬數以百計無款印。

鑒藏寶璽

五璽寶笈三編




元人牧夢占豐圖 一軸

本幅絹本。縱四尺五寸八分。橫三尺五分。設色畫柳陰散牧。凡牛四。或踣。或卧。或乳。牧者三。一執紉。一藉草擁膝睡。一自後捫之。無款印。

鑒藏寶璽


五璽寶笈三編



元人畫春堂琴韻 一軸

本幅絹本縱四尺一寸七分橫二尺四寸九分。水墨畫垂楊繞樹。一人撫琴。坐客環聽。又一人自外來。奚奴抱琴隨之。樹下橫几二。置茶具其上。童子在一旁煮茶。無款印。

鑒藏寶璽 五夏 寶笈三編




元人畫夏墅茗聲 一軸

本幅絹本。縱四尺一寸五分。橫二尺四寸八分。水墨畫松陰眠鹿。二人松下睹茗。旁觀者二。或倚立。或倨坐。童子提榼。捧茶具。揮羽扇於側。無款印。

鑒藏寶璽

五璽金

寶笈三編




元人畫秋庭書壁 一軸

本幅絹本。縱四尺一寸六分。橫二尺五寸。淺設色。畫秋院桐陰。桐下數人。或倚欄。或題壁。或觀畫卷。童子有立而捧書者。有頰而磨墨者。有洗茗椀者。無款印。

鑒藏寶璽

五璽

寶笈三編




元人畫冬室畫禪 一軸

本幅絹本。縱四尺一寸七分。橫二尺五寸。水墨畫喬松白雲。庭宇高敞。三人促坐前楹。一童展畫軸。一僕捧軸旁立。庭中一僕折梅枝。一童接貯瓶中。二人在階前拱揖讓登。髯奴擔楹。一童負軸後隨。無款印。

鑒藏寶璽

五璽

寶笈三編



元人畫天中華瑞一軸

本幅絹本縱五尺六寸七分橫三尺設色畫石榴梔子蜀葵蒲艾襯以苔石無款印

鑒藏寶璽

五璽

寶笈三編


[illegible]

元人畫瑞雪仙禽 一軸

本幅絹本。縱五尺七寸。橫二尺九寸四分。設色畫雪坡梅竹。寒鵲羣棲。三鷺鷥止宿其下。無款印。

鑒藏寶璽

五璽 寶笈三編



元人畫花下將雛一軸

本幅絹本。縱五尺六寸七分。橫三尺二寸。設色畫湖石牡丹。春坡淺草。雄雛覓食。伏雌將七雛。無款印。

鑒藏寶璽

五璽

寶笈三編

